


839  
4  
134

元明史略

四  
止





標記  
增補

元明史畧

四

839  
4  
134

卷十七  
改第  
二  
身



平安巖垣  
其暉校訂  
標記

增補元明史略卷之四

根岸憲助氏委託本

讚岐 後藤世鈞 編次

日本

平安 藤原正臣 增補

明下

光宗貞皇帝名常洛神宗長子。補萬曆四十八年八月即位以

昌今年為泰昌元年八月。罷天下礦稅及監

稅中官起用建言得罪諸臣。○贈故帥劉綎秩

立廟祀之。廕其後。因遣使祭陣亡諸將士。○五

星鬪東方。頃之有白氣長竟天。○有如日者三

泰昌元年

票已曾補元月史各條二四

明光宗



倬

才言也

熬說文乾煎也揚子方言云凡以火而乾五穀之類自山而東齊楚以往謂之熬

代母

並出尋乃滅○旌德人舒倬性至孝年十二見母王氏病篤每泣禱祖美應公墓所願以身代一夕倬中熬毒強之藥弗飲泣語母曰昨祖來告兒謂兒死母病當愈王氏哭之慟倬張目熟視曰兒死事小有母在得善事兒父而兒兄若弟不至失怙兒無憾矣語畢遂暝未幾其母病果愈里人竒之題其墓曰代母墓蓋童年死孝古未有者○丹陽蝗有蒲太王者善禱術獨一家不與禱蝗集其田數畝立盡隣田不

犒勞也

損一類俱去○帝以邊數告急乃令徐光啓督練京兵為內衛因發帑金百萬犒九邊○詔起廢官皆抗言得罪降斥謫戍永錮沒身者補葉向高復入閣○帝不豫服崔文昇李可灼藥不起遂崩時九月朔也帝在位僅三旬選侍李氏移居于仁壽殿從御史楊漣等之議也補初鄭貴妃侍神宗疾留居乾清宮及帝嗣位未移懼帝以前福王事得已進珠玉及美姬八人噉帝知選侍李氏最得帝寵因請立為皇后冊封禮部侍郎孫如游力爭事得寢時都下紛言貴妃使內侍崔文昇進洩藥帝由此委頓群情疑駭外家王郭二戚

崇禎二年二月

明光宗



三案之一

三案之一

五雜組云。醫家有取紅鉛之法。擇十三四歲童女美麗端正者。謹護起居。俟其天癸將至。以羅帛盛之。或以金銀為器入磁盆。

晚遍謁朝士。泣懇宮禁危急狀。言鄭李交甚。固包藏禍心。於是給事中楊漣御史左光斗。冒言於朝。與吏部尚書周嘉謨。以大義責貴妃。兄子鄭養性。趣貴妃移宮。貴妃恐。即移居慈寧。二十九日。帝疾大漸。召見閣臣。方從哲等。乾清宮命封。選侍為皇貴妃。選侍趣皇長子。出曰。欲封后。帝不應。群臣愕然。從哲命鴻臚寺丞李可灼。進藥。可灼自云。仙方所謂紅丸者也。帝服訖。稱忠臣者。再諸臣退。可灼復進一丸。明日帝崩。選侍與心腹。閣魏進忠。謀挾皇長子。自重。羣臣入臨。為閣人所格。楊漣厲聲責之。得入臨。如禮。劉燦。誥皇長子所在。羣閣不應。一燦大言。誰敢匿新天子者。東宮伴讀王安人曰。選侍抱皇長子出。漣乃追及。掖升輦。至文華殿。群臣叩頭呼萬歲。擇日登極。漣與左光斗等言。皇長子無嫡母。生母。選侍嘗邀封后。非可以冲主。付託也。於是議命。選侍乃移居。皇長子即位。

天啓元年

內澄如珠。砂色用烏梅水及井水河水攪澄。七度。乾合乳粉。辰砂乳香。秋石等藥。為末。或用雞子抱。或用火煉。名紅鉛丸。專治五勞七傷。虛損羸弱諸症。

熹宗皇帝名由校。光宗長子。補賜太監魏進忠世蔭。封乳母客氏為奉聖夫人。進忠初為帝母王才人典膳。因魏朝以結王安。與乳媪客氏私。帝嗣位。進忠客氏並有寵。進忠後改名忠賢。補罷熊廷弼。以袁應泰經略遼東。廷弼有膽略。知兵。然性剛好。嫚罵物。情不甚附。為言者劾。廷弼憤甚。抗疏求罷。朝議以應泰代之。○天啓元年。御史焦源溥等。請誅崔文昇等。不可。補三月。遼東經略袁應泰。議三路出師。復撫順。未行。奴兒。



閘水門也

魏忠賢客氏亂政

哈赤入寇薄潘陽總兵賀世賢等戰死城破應泰撤奉集威寧諸軍並力守遼陽引水注濠沿濠列火器滿洲兵掘城西閘洩濠水分兵塞城東水口渡濠入城應泰佩劍印自縊御史張銓副使可廷魁等俱不屈死滿洲兵循海而南朝議遣使分道募兵前後糜帑數百萬然所募皆市井為合臨陣先走甚者遁為盜奸民場竿從之中原自此多事○四月宦者魏忠賢矯詔殺前大監王安初帝之立也王安與諸大臣同受顧命見忠賢侵權欲重懲之忠賢與客氏同謀殺安安既死而忠賢益無所憚矣忠賢閻文義乃取舊司禮監李永貞入備贊畫李明道崔文昇等各司監局探帝意為奸凡宮嬪內侍與魏客不協者百計殺之補帝性好機巧斧鋸椎鑿髹漆之事每引繩削墨忠賢輒奏事帝厭之諺曰朕已悉矣汝輩好為之忠賢因得擅威福○給客氏地以陵工成命叙錄魏忠賢御史王心一馬鳴起等先後糾之帝怒降調有差補時瀋陽遼陽失京師大震劉一燝曰使熊廷弼在當不至此帝

古水殺之下有忠賢衷甲出入之六字字彙髹音休漆物謂之髹

票已曾補元月史各卷四

明熹宗



乃召廷弼於家。廷弼議廣寧用馬步兵列壘三  
岔河上。天津登萊各置舟師。三方並進。遂命廷  
弼駐山海關。經略軍務。廣寧巡撫王化貞與廷  
弼議不合。兵部尚書張鶴鳴力主化貞議。凡廷  
弼所奏請。輒從中沮格之。廷弼憤甚。至冬。廣寧  
人傳敵兵且渡河。兵部趣廷弼出關策應。廷弼  
乃令諸將分守鎮武。聞陽西平而自出關。駐右  
屯。○九月。四川永寧宣撫司奢崇明叛。奢氏猓  
羅種也。洪武中歸附。命為宣撫。世守其土。數傳

奢崇  
明叛

汰沙也。晉書孫綽傳。去沙之汰。之尾磔在後。

三年

至崇。明崇。明與子寅有逆志。招納亡命。時以邊事急。徵四方兵。崇。明以兵詣重慶。巡撫徐可求汰其老弱。餉復不繼。遂據城叛。蜀土震動。補崇。明殺州遵義新都內江進圍成都。布政使朱燮元。周著等分門固守。石砭。女土司秦良玉發兵援成。都。圍遂解。明年夏復重慶。○二年正月。滿州兵渡遼河。攻西平堡。先是王化貞上言。臣願請兵六萬。一舉蕩平。熊廷弼以為不可。廷臣與廷弼議合者。御史江秉謙等數人。餘皆右化貞。張鶴鳴篤信化貞。請撤廷弼。他用。帝不從。於是化貞盡發廣寧兵。



廷弼亦檄諸將來會。遇敵兵於平陽橋。鋒始交。游擊孫得功遽走。呼曰：兵敗矣！諸軍皆走。總兵劉渠、祁秉忠、副將劉徵戰死。羅一貫自刎。西平堡陷。得功遂降。廷弼師次閭陽驛。聞敗還。時廣寧城中訛言：敵已薄城。居民驚竄。化貞莫知所為。單騎西奔。遇廷弼於太凌河。化貞哭。廷弼微笑曰：六萬衆一舉蕩平。竟如何？化貞慚。議守寧遠。及前屯。廷弼曰：已晚。惟護難民入關可耳。乃以已所將五千人授化貞。為殿。盡焚積聚。與諸

賜音釋

將先後入關。給事中侯震揚等請並逮二人。以

伸國法。遂下獄論死。鶴鳴亦罷歸。○六月。貴州

水西土酋安邦彥叛。補邦彥陷炎方松林等圍普安。安南雲南都司李夫

常帥兵救之。遇伏。全軍皆沒。於是交水曲靖武定尋甸崇明之間。駭然苦兵矣。修撰文

震孟。上言勤政講學之實。疏入。忤魏忠賢。帝怒。

謫歸。○山東妖賊徐鴻儒倡亂。深州王好賢景

州于弘志三方同起。撫臣趙彥發兵捕之。補鴻儒

野人萬曆末。以白蓮教惑衆。黨數千人。深州人

王森。嘗救一妖狐。妖狐斷尾。令藏之。招人。聞

異香。多歸附之。號聞香教。森死。遺貴巨萬。子好賢藉其資。以結客。有異志。景州于弘志以教。捧

徐鴻儒倡亂

安邦彥叛

五雜俎云。如白蓮。回色目。及吾閩三教。

西京已曾補心月史各卷四

明熹宗

六



等項然皆  
猥瑣庸劣  
無甚見解  
新井白石  
曰回回教  
以事天為  
本即與天  
主教法同  
源而異派  
者也  
刺偵伺也

鴻孺三方同起  
又進陷鄒  
縣勝縣遂踞二城  
巡撫趙彥發兵捕之  
賊不能支遂奔官軍  
尾其後襲之連戰皆捷  
賊勢窮蹙  
景州于弘志亦為官兵斬  
餘賊披靡四散九月  
鴻孺遂降磔于市  
王好賢南走至揚州  
就擒加  
趙彥兵部尚書  
補三年正月遣中官刺邊事  
帝  
餘進秩有差  
好察邊情常遣中官詣關門具事狀奏報名曰  
較事及魏忠賢竊柄其黨劉朝等四十五人先  
後至山海關薊遼經略孫承宗疏言中使觀兵  
自古有戒帝不省  
補五月四川總督朱燮元會  
諸軍復遵義遂進克永寧降賊眾二萬奢崇明

父子窮蹙率餘眾投水西安邦彥與合兵復犯

遵義官軍敗之禽崇明妻及女弟蜀中遂靖未

幾貴州巡撫王三善為邦彥所襲死崇明勢復

張補七月客氏魏忠賢恐宮中入白其罪惡矯

旨賜光宗選侍趙氏自盡幽裕妃張氏別宮絕

其飲食天雨妃匍匐承檐溜飲之而死皇后數

於帝前刺客魏過失是年后有娠客氏以計墮

之帝用此乏嗣又以帝郊祀日掩殺帝所寵馮

貴人左右無敢言者范慧妃以讒失寵李成妃



林言地補了明史卷之

肆恣也

四年  
楊連  
上疏

為之乞憐客魏知之亦幽成妃別宮妃豫儲食物簷瓦間半月不死斥為官人○時東林勢盛韓爌鄭三俊李邦華高攀龍並通顯楊連左光斗魏大中袁化中等激揚諷議魏忠賢頗憚之於外事不敢大肆補魏忠賢每出車馬儀衛僭擬乘輿提督東廠用許顯純為鎮撫司理刑鍛鍊殘酷士大夫多被戕死○四年六月御史楊漣疏參魏忠賢二十四罪忠賢亦有疏辭極疏先下備極温諭次日下漣疏切責不少貸諸臣

五年

烜音喧  
赫猶惠灼也

公憤繼漣上疏者不下百餘人帝温旨悉數忠賢勤勞責羣臣附和補五年正月崔呈秀為御史先是呈秀按淮陽高攀龍發其贓私趙南星議戍之呈秀寤夜走魏忠賢所叩頭乞為養子涕泣言南星攀龍輩皆東林邪黨時忠賢為廷臣交攻思假事端傾陷正士得呈秀恨相見晚遂用為腹心日與計畫復其官越二歲遂進兵部尚書兼左都御史出入烜赫勢傾朝野陰排諸異己者羣小並進善類為一空○六月下都

明熹宗

明熹宗

八



給事楊漣。魏大中。僉都御史左光斗。中書舍人  
吳懷賢等於獄。俱死于獄中。御史惠世揚。夏之  
令。刑部侍郎朱世守。大理寺丞楊一鵬。兵部侍  
郎劉策等俱削籍。並以論魏客也。補八月。御史  
張訥請毀天下講學書院。力詆講學。諸臣尚書  
孫慎行等數人。俱削籍。又列顧憲成已下數人  
為東林奸黨。悉刊黨人名。示天下。補六年正月。  
奴兒哈赤入寇。圍寧遠城。參政袁崇煥集將士  
誓死守。盡焚城外民居。擣守具入城。檄前屯及

六年

山海關。凡將士逃至者悉斬。人心始固。虜兵薄  
城。進攻。城上火器礮石齊下。殊死戰。虜兵退。明  
日再攻。遂不能克。奴兒哈赤起兵已來。戰無不  
捷。攻無不克。惟寧遠城不下。不懌而歸。事聞。擢  
崇煥僉都御史。巡撫遼東。駐寧遠。○三月。水西  
苗老虎阿引等殺賊首奢寅來降。補八月。奴兒  
哈赤殂于瀋陽城。奴兒哈赤英武有大略。騎射  
絕倫。統一諸國。及取瀋陽遼陽。將居于遼陽。貝  
勒諸臣俱請還國。奴兒哈赤曰。今克此城。天授



清太祖

清天聰元年

七年

鄭芝龍初見

木言此... 鄭芝龍... 魏忠賢... 崇禎... 魏忠賢... 崇禎... 魏忠賢... 崇禎...

明紀云建忠賢生祠於西湖詔賜祠額自是諸方效尤幾遍天

下云云黃運泰迎忠賢像五拜五俯首稱九千歲遵化道耿如杞以入祠不拜皆下獄論死著曝雜記云康熙辛巳御史某請毀明迎閣魏忠賢西山墓及碑碣

我以遼陽也。且此地乃明及朝鮮蒙古接壤要害之區。宜居之。遂迎妻子居焉。明年夏築城于遼陽之東五里太子河邊。遷居之。名曰東京。居三年。復自東京遷於瀋陽。遂歿焉。壽六十八。是為清太祖第八子皇太極即位。皇太極狀貌奇偉。勇力絕倫。奴兒哈赤曾委以家事。於是即位。改明年為天聰元年。大赦國中。十月。進魏忠賢爵上公。又建其生祠於西湖。從浙江巡撫潘汝楨請也。詔賜祠額。勒石記功德。閣臣撰文書。

冊有以入祠不拜削籍論死者。○七年六月海

寇鄭芝龍犯閩中銅山等處。縣石井巡司人也。

字飛黃。小名一官。其大父紹祖。為泉州太守。葉善繼。吏。芝龍方十歲。嘗戲投石子。誤中善繼額。

擒治之。見其姿容秀麗。笑而釋之。存無何。落魄數歲。與其弟芝虎。流入海島。頗思齊黨。中為盜。

思齊死。眾盜推芝龍為魁。縱橫海上。官兵莫能抗。朝議令葉善繼招撫之。芝龍感恩。歸命。又降。

善繼坐戰門。命芝龍兄弟泥首。芝龍素德善繼。屈意下之。而一軍皆譁。竟叛去。復踞海島。劫截。

商民往來。閩廣之間。補七月。滿洲兵圍錦州。總兵趙率教。

固守。巡撫袁崇煥遣精兵四千。繞出滿洲。兵後大戰。敗之。魏忠賢使其黨劾崇煥。不救。錦州崇。

崇禎元年各卷四

明熹宗

十一



林詩地 補元明家 明者四

魏客 伏誅

古本作懷 宗皇帝

稔熟也言 熟知也 傲戒也

煥乞休去以王之臣代之○八月帝崩無嗣遺命以信王入繼大統

毅宗烈皇帝名由檢熹宗之弟初封信王熹宗

崩入繼大統○十一月誅魏忠賢客氏其黨相

繼伏法法司追論忠賢等罪帝命磔忠賢屍戮

客氏屍天下快之補帝素稔忠賢惡即位後深

賢大懼以重寶啗信邸人監徐應元求解帝斥

應元安置忠賢於鳳陽既行遣使逮之忠賢及

崔旱秀自縊死詔戮其屍客○補罷諸邊鎮守中

官○崇禎元年正月禁士庶衣飾侈僭及婦女

金冠袍帶等○命內臣俱入直非受命不許出

禁門○諭戒廷臣結交近侍補四月以袁崇煥

督師薊遼初崇煥以忤魏忠賢去至是進兵部

尚書督師薊遼○七月鄭芝龍降于福建巡撫

熊文燦補海上故多盜芝龍尤猖獗然有求撫

遣使撫諭遂降熊文燦善遇之芝龍先後○補寧

擊殺大寇李魁奇鐘斌劉查海氛漸息

遠諸營兵以缺餉大譟縛巡撫總兵官等督師

袁崇煥馳至撫定之時度支大絀錦州薊鎮兵

浮過也

票已曾補元月史各卷四

明毅宗



括檢也

入一百一十三萬有奇。而內供召買不與焉。帝命廷臣各陳所見。自嚴擇其所者。先後列上。增鹽引。議鼓鑄。括雜稅。覈隱田。增關課。皆瑣屑權宜之計。民以重困。○陝西饑。流賊大起。府谷民王嘉胤倡亂。饑民附之。白水盜王二等亦合從。衆劫掠時承平久。猝被兵人無固志。延安人張獻忠從嘉胤。陰謀多。賊中號八大王。其部最強。時稱獻賊。○補安塞馬賊高迎祥亦起。自稱闖王。饑民王太梁等應之。○補二年帝憂國用不足。從

王嘉胤倡亂

起獻賊

二年

站音斬。獨立也。

明季遺聞云。秦晉之民。饒膂力。貧無賴者。藉水陸舟車。奔走自給。至是無所得食。云云。失驛站生計。遂相聚為盜。衆共切齒于懋。呼其名而詛咒之。圖其形而叢射之。懋

給事劉懋議裁驛站。冗卒山陝游民仰驛糶者無所得食。皆從賊。○四川總督朱燮元討奢崇。明安邦彥平之。○補燮元檄雲南兵下烏撒。四川駐陸廣。逼大方。貴州總兵許成名由永寧復赤水。邦彥與崇明合。衆十餘萬來攻。燮元合成一名。伴退誘賊。而遣兵三路搗其巢。四川總兵侯良柱遇賊於永寧。與成名合擊。大破之。斬崇明。邦彥。俘數千人。積。○補十一月。滿洲皇太極帥軍入寇。入洪山口。別將陷大安口。會遵化山海關總兵趙率教入援。戰死。全軍覆沒。巡撫王元雅與將士憑城拒守。城破皆死之。閱日京師始得報。

票已曾補元明史各卷四

明毅宗

七三二



以是自恨  
死棺至山  
東莫肯為  
輦負者

詔天下勤王滿洲兵已自順義西薄都城尋陷  
良鄉迴軍至蘆溝橋進逼永定門援軍總兵官  
滿桂戰沒京師大震補十二月薊遼督師袁崇  
煥聞警入援所過諸城皆留兵守帝聞其至喜  
甚令盡統援軍時所破隘口乃薊遼總理劉策  
所轄都人驟遭兵怨謗紛起謂崇煥縱敵朝士  
因前通和議誣其引敵脅和滿洲兵聞之乃設  
間謂與崇煥有成約語聞於帝帝信之遂執下  
詔獄○二年五月設曆局徵西洋陪臣湯若望

羅雅谷供事曆局

補三年五月朔日食失驗帝欲  
罪臺官禮部尚書徐光啓言臺

官測候本郭守敬元時嘗當食不食無怪今日之失  
雖守敬舊法本末盡善抑亦年遠數贏宜及時修  
治從之詔西洋人龍華民等推步光啓為監  
督西法之行自此始至是徵湯若望等供事  
補滿洲

兵已陷遵化永平遷安灤州皆留兵防守至是東還  
分兵攻山海關守將官惟賢力戰乃還攻撫寧昌  
黎京師道梗督師孫承宗總兵官祖大壽在東馬  
世龍及四方援軍在西承宗遣兵戍開平復建昌  
聲援始接滿洲兵遂棄永平出冷口而還承宗始  
復四城○王嘉胤引陝西人入掠補陝西五鎮兵入  
接多逃歸與譚而



抄言地補元日

孽要云以崇煥力主和議擅殺毛文龍以致我大清兵深入也

四年

起關賊

懼誅者皆合於賊嘉胤盜神一元破寧塞據之補八月殺前督師尚書袁崇煥補十二月帝以兵食不足欲增甲賦命戶部協議尚書畢自嚴請補加三釐於是增百六十五萬有奇合舊所增凡六百八十餘萬海內咨怨補四年四月副將曹文詔破賊于河曲先是王嘉胤久據河曲文詔絕其餉道困之嘉胤遁去為左右所殺其黨共推王自用為魁自用結群賊高迎祥張獻忠等共三十六營眾二十餘萬聚山西補陝西米脂縣人李自成自

彘音婁

延綏往依高迎祥號關將自成性狡黠善走能騎射與姪李過為暴于鄉懼罪逃入甘肅為兵以功陞把總殺王參將遂為賊補○九月遣中官王應朝等監視諸邊軍餉命張彘憲總戶工二部補帝初盡撤鎮守中官委任大臣既見廷臣競門戶不足倚乃復遣王應朝鄧希詔等監視關寧宣大山山西軍馬以張彘憲有心計命鈞校戶工二部吏部尚書閔洪學率廷臣力爭帝曰諸臣若殫心為國朕亦何藉內臣衆不能對中官自是居權要相結為奸補○五年三月工部侍郎高弘圖上言內臣張彘憲奉總兩部之命辱朝廷褻國體言太切直不聽疏七

崇禎九年補元日

明毅宗

一日



上竟削籍禮部主事周鑣亦上言論內臣帝怒  
 削籍補八月副將曹文詔與左光先等分勦宜  
 君清澗米脂合水賊皆大捷文詔在陝大小數  
 十戰功最多巡撫范復粹上功狀為兵部所格  
 賞不行補九月賊將高迎祥羅汝才張獻忠等  
 分道四出連陷太寧隰州澤州壽陽諸州縣全  
 省震動部議令宣大總督張宗衡駐平陽巡撫  
 許鼎臣駐汾州分地守禦已而李昇賀人龍艾  
 萬年將關中兵至鼎臣檄以自從宗衡怒其不

六年

從已檄之還三將莫之適從賊乘間入據磨盤  
 山出陷交城文水澤州遼州平順補六年二月  
 流賊犯畿南河北總兵曹文詔等屢敗之補七  
 月滿洲兵陷旅順補十一月賊盡集河北屢為  
 諸將所敗乃詭辭乞降監軍內臣楊朝進信之  
 為入奏會天寒冰合賊乃渡河而南河南軍無  
 扼之者遂陷澠池伊陽盧氏巡撫元默督軍禦  
 之賊由間道入內鄉大掠南陽汝寧直走湖廣  
 賊始起陝西高迎祥最強李自成屬焉及渡河

也詭詐也欺



七年

廿九

自成別爲一軍補七年正月賊張獻忠等突漢南州縣遂陷夔州遠近皆震補三月山陝大饑民相食發金賑之補四月滿洲定官名又改瀋陽爲盛京補六月江西饑連賊益多進上陸運昌上撫字八條帝可其奏補賊犯鄖陽商南總督陳奇瑜散陝西河南湖廣兵擊大破之擒其魁數人張獻忠奔商洛高迎祥李自成遁入興安車箱峽官軍圍之賊大窘以重寶賄奇瑜左右及諸將僞請降許之縱遣賊出陝卽大謀屠

所過七州縣略陽賊數萬亦來會關中大震補七月滿洲皇太極伐察哈爾旋師寇大同宣府攻陷城堡數十京師戒嚴竟陷萬全左衛乃去補八月帝憂寇詔發各鎮兵四萬五千豫備賊衝突補十一月逮陳奇瑜下獄以洪承疇代之高迎祥張獻忠李自成等自陝西東出關陷陳州破汜水固志大會於滎陽遂陷潁州知州尹夢鼈指揮李從師等皆戰死賊每營數萬因糧宿飽人有副馬官軍兵寡備多饋餉



補初洪承疇出關急勦限

六年

不繼。且馬少。總兵左良玉在懷慶。與督師巡撫  
議不合。檄調不時應。帝命洪承疇出關急勦。限  
六月平賊。補八年正月。賊陷鳳陽。焚皇陵。殺軍  
民。留守朱國相等戰死。是時賊之慘毒不可舉。  
言至有縛人之夫與父。而活其妻女。然後殺之。  
或剖孕婦腹。驗男女胎。或以大鍋煮油。擲孩子  
於內。觀其跳躍為樂者。補初洪承疇出關。至信  
陽。諸將畢會。賊見河南兵盛。六月分路奔還。陝  
西張獻忠由英霍取道麻城入陝。會高迎祥。李

十一

王自

九年

九年

自成於鳳翔。副將艾萬年。柳國鎮等戰歿。總兵  
官曹文詔憤甚。以三千人大戰。斬首五百。追北  
三十里。賊伏數萬騎。合圍文詔。徒步轉鬪。與遊  
擊平安等二十餘人皆死。補八月。以盧象昇進  
兵部侍郎。總理山西陝西軍務。以賊已蔓延半  
天下。洪承疇一人不能顧也。補九月。洪承疇破  
賊於渭南。補九年正月。高迎祥等圍滁州。盧象  
昇帥兵來援。大戰於朱龍橋。賊連營俱潰。西入  
歸德。分道犯南陽。裕州。象昇擊敗之。賊精銳幾

票已曾補元月史各卷四

明毅宗

十七



滿洲 建國 號曰 大清

賊黨 推李 自成 為闖 王

蓋張流切 音斬屋音 箕山曲曰 蓋水曲曰 屋

本言地補元明史卷四

盡補四月滿洲建國號曰大清改元崇德補七月清兵入昌平連陷畿內州縣乃下詔徵諸鎮兵入援皆不敢戰八月清兵退去補孫傳庭代洪承疇為巡撫銳意滅賊與副將賀人龍等擊賊首高迎祥於蓋屋擒之獻俘闕下磔死賊黨乃共推李自成為闖王補諭廷臣助餉未幾又括勛戚文武諸臣馬開銀鐵銅鉛諸礦補盧象昇擊賊屢有奇勝賊勢漸衰大學士溫體仁忌其功以王家楨代象昇家楨故庸才賊無所憚

十年

明史

補十月工部侍郎劉宗周累疏陳時政語多激切為溫體仁所忌請告去至天津聞京師被兵留不行上疏極言體仁奸邪致刑政乖舛及宦官不宜總軍務凡數百言帝怒斥為民補十年正月張獻忠等自襄陽順流東下犯安慶連營百里詔左良玉馬嶺劉良佐合兵往援大破賊賊復出太湖敗官軍於鄂家莊殺參將四十餘人遂陷和州劉良佐赴援賊始遁獻忠入湖廣補二月清兵攻朝鮮克王京圍國王李倧於南

明史卷四

明毅宗

十八



朝鮮  
降于  
清

標記增補元明史略卷四

熊貴也。

漢山城已復破江華島倭遂出降。補三月。以楊嗣昌為兵部尚書。嗣昌有口辯。帝以為能。所奏請無不從。議大舉平賊。分各省官軍為四正六隅。隨賊所向征討。因增兵十萬。增餉二百八十萬。民大困怨。帝下詔有暫累吾民。丁年除此腹心大患。語時福建巡撫熊文燦太言自詭足辦賊。嗣昌薦之。命總理南京河南山陝川湖軍務。文燦大募粵人及烏蠻善火器者以從。已見賊勢盛。連疏言招撫。帝譙讓嗣昌。乃條上用兵事宜。尅期明年二月平賊。然文燦終主撫。新增餉多資以撫賊。嗣昌陰主之。明年以滅賊踰期。請貶削洪承疇等秩。而置文燦不罪。補十月。李自成窺蜀中空虛。乘間陷寧羗。破七盤關。分三道入蜀。總兵官侯良忠禦之於綿州。戰死。遂連陷諸州縣。進逼成都。洪承疇等帥兵來援。自成乃由洮州入番地。官軍轉戰千里。不解甲者二十七晝夜。自成引殘卒竄入岷州。補十一年。正月。裁南京冗官。補四月。副將孫應元等連敗

票記增補元明史略卷四

明毅宗



李言地補元明史卷四

十一

賊於鄭州賊謀犯江北應元等扼其前復連敗之賊渠劉國能馬士秀先後詣熊文燦降張獻忠為左良玉所敗亦乞降良玉知其詐請急擊之文燦不聽而受之補九月清兵分路入墻子嶺青山口薊遼總督吳阿衡防之戰死監視中官鄧希詔遁走復盧象昇督宣大山西兵入衛補十月盧象昇至帝命與中官高起潛督援軍大學士楊嗣昌與起潛主和象昇主戰議不合清兵分三路南下補李自成復謀犯蜀馬科賀

閱符分切  
音焚快々  
情不滿足也

人龍拒之乃走漢中又為左光先所扼其黨皆降惟自成東遁洪承疇設伏於潼關之南原大破之自成妻女俱失從數騎遁商洛時關中賊略盡張獻忠已降惟羅汝才等十餘部往來豫楚窺陝西亦以求撫給熊文燦孫傳庭復敗之於閩鄉尋得文燦止兵檄快快而還未幾承疇傳庭皆入衛北行賊遂不可制補十二月清兵已陷幾輔城數十前大學士高陽孫承宗死之轉戰至山西總兵王樸引兵還鎮盧象昇引軍

票已曾補元月史各卷四

明毅宗

一一一



年十二

至鉅鹿高起潛擁關寧兵在雞澤相距五十里。象昇遣使乞援不應。行至蒿水橋力戰死。補十二年。二月。清兵北而至天津。先是劉宇亮自請督察軍情抵保定。聞盧象昇敗懼甚。急趨晉州。不敢戰。清兵出青山口東歸。帝逮治失守封疆。諸臣三十六人同日棄市。補四月。總兵左良玉敗賊於鎮平關。補張獻忠在穀城擁兵索餉。日肆劫奪。至是復叛。毀穀城陷房縣。左良玉等追至羅猴山。遇伏大敗。時李自成亦出收餘衆。往

年十三

渠猶魁也。

年十四

依獻忠。補八月。詔逮熊文燦論死。以左良玉有大將才。拜平賊將軍討賊。張獻忠屢敗於興安。求撫不許。其黨多來歸。軍聲頗振。補十三年。二月。左良玉大敗張獻忠於太平。斬賊渠十六人。補十四年。正月。張獻忠與羅汝才合敗官軍於夔州。賊勢大張。轉戰入蜀中。越成都陷瀘州。入巴州。官軍追擊之於黃陵城。賊密遣精卒行篋谷中。乘高馳下。左良玉軍先潰。參將劉士傑等戰死。賊遂席卷東出四川。補李自成自鄖陽攻



水言地補元明史卷四

王 殺 洛陽 成 陷 自

王 襄 忠 震 貴 陽 王 殺 獻

擄。虛。嬌。切。虛也。正字。通。人。饑。曰。擄。腹。勻。音。酌。挹。取也。

洛陽陷之。殺福王常洵。先是援兵過洛者。喧言先帝困天下。以肥王。今王府金錢山積。乃令吾輩擄腹死賊。尚書呂維祺勸王散財餉士。不從。至是官軍引賊陷城。維祺被執。不屈死。賊殺王。勻其血雜鹿肉以食。曰福祿酒。火王府。散金以賑饑民。二月。張獻忠偵襄陽無備。自率輕騎。一日夜馳三百里。殺將吏。奪軍符。給入襄陽城。夜半從中起。縱火。城陷。賊縛襄王。羽銘屬酒曰。吾欲借王頭。使嗣昌以陷藩。伏法。遂與貴陽王。

常法同。遇害。參議張克儉。遊擊黎民安等死之。初。大學士楊嗣昌與左良玉督師討賊。踴襲熊文燦。故智主招撫。賊勢益張。不可收拾。遂至喪兩親。藩時嗣昌自蜀旋師。至荊州沙市。聞城陷。二王殉難。憂懼不食死。補三月。清兵圍錦州。補五月。帝召對廷臣。語及福王。泣下。大學士范復粹曰。此乃天數。帝曰。雖氣數亦賴人事。挽回復粹不能對。尋致仕去。補七月。錦州圍久。洪承疇調吳三桂等率兵十三萬進次松山。皇太極自。

票已曾補元明史各卷四

明毅宗

三十一



督戰大敗官軍。吳三桂等夜遁。軍士死者無算。總兵官曹變蛟走入松山。與承疇堅守。補八月。張獻忠棄襄陽。連陷樊城。當陽。諸州縣。左良玉從南陽間道進兵。大破之。信陽降。其眾數萬。獻忠被重創。東遁。時羅汝才既合李自成。自成踞河雒。有眾五十萬。獻忠眾散。且盡走。依自成。自成欲殺之。羅汝才曰：「不如留之。使擾漢南。」分官兵力。乃給以五百騎。俾遁去。獻忠東馳入霍山。補十一月。李自成既破河南。勢大盛。移兵陷南

李自成殺唐王十五年

陽。殺唐王聿鎮。總兵官猛如虎死之。賊再攻開封。補十五年。二月。松山圍久。食盡。督師范志完不能救。城破。巡撫邱民仰。總兵官曹變蛟等死之。洪承疇與總兵祖大樂皆降。清寧遠關門。勁卒盡喪。錦州亦下。補五月。張獻忠復出攻舒城。據之。連陷廬州。六安等。諸州縣。南京大震。補七月。開封圍急。帝命左良玉赴援。良玉見賊盛。一夕拔營走襄陽。眾皆潰。補九月。巡撫高名銜議決河灌賊。賊偵知之。移營高阜。驅難民數百決

票已曾補元明史各卷四

明毅宗

二十一



中原禍亂極

河河水自北門入貫東南門出廬舍人民蕩盡賊乃拔營西去時河南郡邑無不殘破朝廷不復設官遺黎多結寨自保或降賊或受朝命復互相吞併中原禍亂於是為極明年夏帝乃下詔蠲租赦罪已不可為矣補十一月清兵入薊州連陷畿南山東州縣時關內外並建二督又設六巡撫八總兵星羅碁置無地不防而事權反不一警報至急徵諸鎮入援而清兵已陷薊州分道南下河間以南多失守至山東魯王以

十六年

李自成自號奉天倡義大元帥

派自殺補十六年正月李自成陷承天自成初無遠圖所得城邑輒焚燬棄去及灌開封席捲河南群賊皆來附有眾百萬始侈然以為天下莫與爭思擅名號遂犯承天焚獻陵徇下旁近州縣自號奉天倡義大元帥稱羅汝才代天撫民德威大將軍自成尋襲殺汝才并其眾改襄陽曰襄京據之設官屬補五月張獻忠連陷蕪黃武昌執楚王華奎以復輿沈之西湖大殺楚宗及居人浮屍蔽江獻忠遂稱武昌曰京城設

復竹輿也

票已曾補元月史各卷四

明毅宗

二二日



六部五府據之(補)八月。清主皇太極殂。壽五十。二是為太宗。其第九子福臨。年甫六歲。即位。初其母妊時。夢一神人抱一子授之。曰：此紆一天下之主也。母受置膝上。其人忽不見。既寤。以語太宗。太宗曰：是異祥。子孫大慶之兆也。已生而神靈。志量非常。至是即位。改明年為順治元年。(補)叔父和碩睿親王多爾袞。理國事。稱攝政王。(補)十月。李自成破潼關。遂陷西安。延安諸郡分兵四掠。所至風靡。乃詣米脂。祭墓。改延安曰天保。

十七年 李自成稱王

府屠鳳翔。傳檄榆林。參將劉廷傑與總兵尤世威。王世欽等。集眾城守。血戰七晝夜。婦人孺子皆發屋瓦擊賊。城陷。無一降者。賊遂乘勝陷寧夏。慶陽。甘州。三邊俱沒。○十七年正月朔。大風霾。陽城地震。○李自成僭稱王于西安。國號大順。改元永昌。(補)先是張獻忠自湖南入江西。連陷吉安。袁州。建昌。撫州諸郡。自荊州趨蜀。遂陷成都。蜀中郡縣俱沒。時中原多故。諸將無暇西顧。獻忠遂奄有四川。未幾。獻忠以病死于蜀中。



本言此補方印

補二月。李自成陷太原。遣別將犯畿南。陷真定。帝下詔罪已。發帑金五千。治守具。詔天下勤王。左都御史李邦華請南遷。及太子撫軍皆不報。賊勢急。復遣內臣高起潛、杜勳等分監邊鎮。及近畿要害。補先是薊遼總督王永吉請移寧遠。總兵吳三桂於關門選士卒策應京師。學士陳演等持不可。賊逼帝決計行之。而軍不能猝至。補總兵官周遇吉守寧武。關李自成薄之。遇吉發大礮殺賊萬人。設伏城中誘賊入。復殺數千人。城毀復完者。再自成悉力攻破之。遇吉馬蹶。被執。罵賊死。妻劉氏率婦女登屋射賊。自成縱火焚之。闔家皆死。城中士民無降者。自成謂眾曰。此去歷大同、陽和、宣府、居庸。皆有重兵。倘盡如寧武。奈何。不如且還。俟再舉。而大同、宣府降表相繼至。自成大喜。遂長驅而東。至居庸關。補三月。李建泰自保定疏請南遷。帝召廷臣於平臺。諭曰。國君死社稷。朕將焉往。補李自成入居庸關。陷昌平。攻平則。彰義等門城外。三大營皆

周遇吉守寧武關死子賊

票已曾補元月史洛卷四

明毅宗

二二六



本言此補方明史卷四

二十六

俱與懼同

京城

古本注。明史云。長平公主。年十六。帝選周顯尚主。將婚。以寇警。暫停。城陷。帝入壽寧宮。主牽帝衣哭。帝曰。汝何故生。

潰降。火車巨礮。蒺藜鹿角。皆為賊有。賊反礮攻。城仰。語守兵曰。亟開門。否則屠矣。守者懼。空礮向外。不實鉛子。徒以硝燄鳴之。猶揮手示賊退。乃發。○李自成陷京城。帝先殺公主。次殺袁妃。

周后自經于坤寧宮。帝登萬歲山。自經。○補外城。萬歲山。望南城。烽火徹天。歎息曰。苦我民耳。遂分送。太子定王永。王於外。賊周田二家。劍擊公。主。令皇后自盡。翌日。味爽。內城陷。鳴鐘集百官。無至者。帝復登山。書衣襟為詔。曰。朕涼德。藐躬。上。天。咎。然。皆。諸。臣。誤。朕。無。面目。見。祖宗。自。去。冠冕。以髮覆面。任賊分裂。勿傷百姓一人。以帛縊於山亭。太監王承恩從死。自成置。笠。縹。衣。乘。鳥。駝。馬。入。承。天。門。登。皇。極。殿。據。御。座。大。索。帝。后。

宦官

殉難之臣

我家以劍。揮斫之。斷左臂。又斫。昭仁公主。越五日。長平公主復。徙清順治。二年。上書。言願髡緇。詔不許。命顯復尚公。主。主。涕泣。踰年病卒。涼德薄德。也。藹躬小。躬也。擊要云宮。

期百官三日。朝見。朝廷制度。任。意。紛。更。諸。臣。死。節者數十人。官人魏氏等三百餘人。俱赴御河。死。賊。殮。帝。后。以。柳。棺。置。東。華。門。外。羈。太子。及。定。王永。王於宮中。襄城伯李國楨。請賊葬帝。以天子禮。斬衰。徒步從之。○賊之入居庸關也。太監杜之秩迎降。賊騎薄彰義門。太監杜勳縋城上。入見大內。張皇賊勢。語守璫輩曰。吾黨富貴自在也。是夕太監曹化淳開門降。內臣殉難者。惟王承恩一人已。○殉難之臣。范景文。倪元璐。施邦曜。凌義渠。王家彥。孟兆祥。馮世奇。劉理順。吳麟徵。周鳳翔。汪偉。吳甘來。王章。陳良謨。陳純德。

票已曾甫元月史各卷四

明教宗

二十一



吳三桂討賊

人費氏年十六投... 費氏給曰... 我長公主... 無禮群賊... 擁見自成... 自成命內... 官審之非... 是賞部校... 羅賊費氏... 復始曰我... 實天潢後... 義難苟合... 惟將軍擇

趙譔巡許直成德金鉉于騰蛟姚成宋天顯李邦華滕之所阮文貴張應選張世禧李國楨劉文炳鞏永固張慶臻衛時春王國興李若珪高文采陳貞達毛維張劉忠嗣金毓峒李守鏘蔡懋德盛應時徐有聲李若葵輩數十人○四月遼東總兵平西伯吳三桂聞京師陷帝后殉難遂縞素發哀乞師于清討賊補先是三桂在子寧遠城及寇患急詔封三桂平西伯入援三桂至豐潤京師陷矣三桂聞變頃兵山海關乞師于清李自成執三桂父襄作書招三桂賚銀四萬兩遣叛將唐通檄之別以賊兵二萬守邊三桂佯受其金曰願

吉成札賊... 喜置酒極... 歡費氏懷... 利及俟賊... 醉斷其喉... 因自刎... 明季遺聞... 云李國楨... 請勿犯陵... 寢改殯先... 帝后勿害... 太子二王... 三事賊並... 諾乃易他... 棺葬以帝... 祭以王數... 日後葬於... 田貴妃墓

見東宮而降而出不意盡行砍殺賊將負重傷逃歸三桂致書絕父云兒以父陰熟開義訓得侍罪戎行日夜勵志冀得一當以酌聖餐側聞聖主晏駕臣民慘辱不勝毗裂猶意吾父素負忠義大勢雖去猶當奮槌一擊誓不俱生何乃隱忍偷生訓以非義父既不能為忠臣兒亦安為孝子乎自成怒即盡戮襄家口三十餘人率兵往戰三桂痛哭誓師令其兵皆燹髮擊賊關門軍聲大振清多爾袞總鐵騎數萬繞出三桂右所向披靡自成潰走三桂追北四十里又破之補李自成駐兵永平吳三桂使人議和並請太子自成命其將張若麒奉太子赴三桂軍中請各止戰三桂允之既盟自成旋師三桂整軍而行移檄播告遠近自成聞報驅百姓于



之斜。惟國損一人往崇文宣武門外。毀折民房。焚宮殿。悉銳西行。輜

送國。稍隨自殺重無算。補五月。朔。皇太子在吳。三桂軍中傳諭。

自要云。初明吳三桂京中。官民各宜整肅。靜俟。士民大喜。相慶。三桂

奉詔入授至山海關兵至榆河。清多爾袞檄其西行。追李自成。三桂

間燕京陷猶豫不進請發太子入都。多爾袞不許。三桂夜潛逸。太子

自成執其父袁今作于民間。蓋清人殺之。追賊至保定。賊還兵而鬪。

奮擊破之。又追破之于定州。自成屯真定。防三

桂。又屢敗。西走入山西。三桂以兵逐之。自成數

戰不勝。遂棄山西。走西安。三桂還軍京師。清晉

爵為平西王。補初三日。京城傳呼。皇太子至。百

官迎候於朝陽門外。駕至。則清攝政王多爾袞

也。多爾袞入武英殿受朝賀。問漢官何人最賢。

衆舉李明睿。對命為禮部左侍郎。明睿以病辭。

多爾袞曰。爾朝皇帝尚未收斂。明日即欲令京

城官民等哭臨。無神主。以何哭臨。無謚。號何以

題神主。明睿聞言太慟。多爾袞義之。即命議謚。

於朝房。謚帝為懷宗。端皇帝。周皇后為烈皇后。

萬姓哀號三日。尋命造陵。明睿經營相度。不十

清多爾袞入武英殿受朝賀

乞降於我朝。求共討賊。

書招之三桂欲降。至

濟州。聞愛

妾為賊所

掠。犬憤急

四圍遣使



竣說文止也。事畢也。

日竣事。多爾袞出示京城。令官民除服。剃頭。衣冠悉遵清之制。清主遂入都于燕京。福王立於南京。謚帝曰毅宗烈皇帝。周皇后曰孝節皇后。帝由松福王常洵子。神宗孫也。崇禎十七年四月。京師陷。毅宗殉社稷。時由松避賊舟次淮安。南京府部科道等官會議推戴討賊。遂立為帝。○五月。帝即位。召兵部尚書史可法。戶部尚書高弘圖。鳳陽總督馬士英等入閣辦事。其他進官有差。可法請督師江北。士英專國。○設淮揚

鎮設四

徐泗。鳳壽。滁和。四鎮。以劉澤清。高傑。劉良佐。黃得功。轄之。傑。舊賊將也。通李自成。妾刑氏。挈之來降。陝督孫傳庭令傑與白廣恩為前鋒。二將各不相下。遂潰。傑由山西河北率兵南下。大肆劫掠。抵揚州。揚人不納。傑攻之。史可法曲解之。久之始移駐瓜州。去良佐開鎮臨淮。士民不服。互訐。得功薄盧。又提兵與傑爭淮揚。戰不勝。以太僕少卿萬元吉監江北軍。解之。元吉貽得功書。期共戮力王室。得功自明無他欲聯絡各鎮。



標下猶麾  
下也

响與響音同

鼓勇殺賊元吉以得功書馳示傑等始罷兵隸  
 傑可法標下為前鋒總兵官○史可法馬士英  
 各奏吳三桂殺賊功封三桂薊國公○清兵西  
 伐李自成斬其將劉宗敏甲見秀等賊眾大潰  
 自成棄西安南走○加應天巡撫左懋第兵部  
 侍郎經理河北聯絡關東命僉都御史程世昌  
 巡撫應天時山東河北多殺為官响應○馬士  
 英奏薦欽察阮大鍼欽察者魏忠賢逆案  
欽察者魏忠賢逆案賜冠帶  
 陛見舉朝大駭高弘圖請下九卿會議呂大器

督催  
金花  
兩

尼止也  
 顏師古曰  
 報云天子  
 已聞其所  
 上之書而  
 罷之令歸  
 五雜俎曰  
 今天下漕  
 粟之費數  
 百萬有奇  
 而上供御  
 用者名為  
 金花亦四  
 百萬有奇

詹兆恒等連疏糾不聽大鍼召對稱旨竟用為  
 江防兵部侍郎○左都御史劉宗周御史李模  
 等疏論時事弊其辭痛切或為馬士英尼不得  
 上或報聞而已○遣太監王肇基督催閩浙金  
 花銀兩肇基原名坤即崇禎朝肆惡淮陽者也  
 大學士高弘圖等諫止之○湖廣巡按御史黃  
 澍同承天守備太監何志孔入朝求召對既入  
 澍面糾馬士英奸貪不法淚與語下志孔復前  
 佐澍言其無上諸事士英稱疾出直而以金幣

票已曾補元明史各卷四

明由松



嘿與默同

山東降子  
太妃來自河南

餽福邸舊閣田成張執中等兩閣向帝曰主上非馬公不得立茲逐馬公天下皆議主上背恩矣且馬公在閣諸事不煩主上可以優閒自在馬公去誰復有念主上者帝嘿然即賜諭留澍復連上十疏爭之帝屢諭趨澍赴楚乃去○六月清人傳檄至濟寧山東降于清李建泰謝陞馮銓降皆為清內院大學士○時朝廷舉措失人賞罰乖章正宸陳子龍等諫疏荐上俱不聽○八月太妃來自河南帝諭戶工部限三日內

約大約大率也

○九月  
北已給  
官有差

搜括萬金以給賞賜太監諸朝進請給工科錢糧約數十萬工部尚書何應端等苦點金無術懇祈崇儉工科李清亦疏請節省不聽又詔選內員選宮女聞巷騷然科道李維樾等疏諫亦不聽○加翼戴恩史可法馬士英各進官有差不聽○淮楊屢請餉帝以東南餉額不滿五百萬江北已給三百六十萬豈能以有限之財供無已之求命淮撫田仰與劉澤清通融措辦時澤清大興土木造宅淮安無意往北仰與其事仰故



行納貢立開工例助

廩生謂諸生受廩米者也

拔貢謂拔出十三省廩生中而貢之京學者也

馬士英私人也。士英請免府州縣童生應試上戶納銀六兩。中戶四兩。下戶三兩。得赴院試。又詔行納貢例。廩生納銀三百兩。增六百兩。附七百兩。又立開納助工例。武英殿中書納銀九百兩。文華中書一千五百兩。內閣中書二千兩。待詔三千兩。拔貢一千兩。推知銜一千兩。監紀職方萬千不等。皆以助軍興也。時為之語曰。中書隨地有。都督滿街走。監紀多如羊。職方賤似狗。廢起千年塵。拔貢一呈首。掃盡江南錢。填塞馬

清多爾袞致史可法書

楚申包胥入秦求援哭庭七日見左傳

家口奉化布衣方翼明何光顯等抗疏請誅馬士英劉孔昭詔戮於市籍其家遠近為訟冤○十月命鑄弘光錢○清攝政王多爾袞致書史可法其略云比聞道路紛紛多謂金陵有自立主者夫君父之仇不共戴天春秋之義有賊不討則故君不得安葬新君不得即位所以防亂臣賊子法至嚴也闖賊奪自戍稱兵犯闕手毒君親中國臣民不聞加遺一矢平西親王吳三桂獨效包胥之哭朝廷感其忠義嚴整貔貅驅

票已曾補元明史各卷四

明由松

三十三



貌。獠。猛獸。豹屬。言其卒也。鳥獍。指李自成。獍音敬。食父獸。梟。食母鳥。

馳梟獍入京之日。首崇懷宗帝后謚號。卜葬山陵。悉如典禮。勛戚文臣咸在朝列。恩典有加。耕市不驚。秋毫無犯。方擬遣將西征。戮力同心。以報爾君父之仇。彰我朝廷之德。豈意南州諸君子。苟安旦夕。頓忘寔害。予甚惑之。夫國家之定。燕都乃得之於闖賊。而非得之於明朝也。賊毀明朝之廟主。辱及先王。國家不憚征繕之勞。悉索敝賦。代為雪恥。萬世闖賊。但為明朝寇慝。未嘗得罪於國家。徒以薄海同仇。伸大義。今若擁

漢宣帝時。渤海盜起。龔遂曰。海濱遐遠。不沾聖化。其民飢寒。而吏不恤。使陛下赤子。盜弄兵於潢池中耳。注云。潢池。潢。汚行潦水。尚書益稷篇曰。虞賓

稱尊號。假是天有二日。復為勅敵。予將簡西征之銳卒。轉旆東征。且擬釋彼重誅。命為前導。夫以中華全力。受制潢池。而欲以江左一隅。兼支大國。勝負之數。無待著龜。諸君子果識時。知命。切念故主。厚愛賢王。宜勸命削號。歸藩。永綏福位。朝廷當待以虞賓位。在諸侯王。上庶不負朝廷。伸義討賊。興滅繼絕之初心也。昔宋人議論未定。兵已渡河。可為殷監。取舍從違。應早審定。兵行在。即可東可西。南國安危。在此一舉。願諸



史可法答書

在位群后德讓

宋欽宗紀云李邦彥

具敏等專主和議論不一致

有待汝議論定時我

已渡河之

譏

南樞謂南

京樞密院

也

突忽也

泄泄孟子

注云忘緩

悅從之息

願願也

鑠盛也

君子同以討賊為心無貪瞬息之榮致命故國

有無窮之禍為亂臣賊子所笑可法答書略曰

我大行皇帝敬天法祖勤政愛民真堯舜之主

也以庸臣誤國有三月十九日之事法待罪南

樞救援無及師次江上凶信突來地折天崩川

枯海竭嗟呼人孰無君雖肆法於市朝以為泄

泄者戒奚足慰先帝於地下哉爾時南中臣民

哀慟號泣無不拊膺切齒愿悉東南之甲立剪

凶仇而二三老臣謂國破君亡宗社為重相與

迎立今上以繫中外人心羣臣勸進今上退然

不自勝迨臣民伏闕屢請始進位南都遂命法

視師江北刻日西征忽傳我大將軍吳三桂借

兵貴國破走逆成殿下入都為我先帝后發喪

成禮掃清宮殿撫輯羣黎且免薙髮之令亦不

忘本朝此舉動也振古鑠今凡為大明臣子無

不長跪地而頌禮加額今辱明諭引春秋太義

來相詰責善哉推而言之此又為列國君薨世

子應立有賊未討不忍死其君者之說耳若夫



天下共主身殉社稷青宮皇子慘變非常而拘  
 牽不卽位之說坐昧大一統之義中原鼎沸倉  
 卒出師將何以維繫人心號召忠義紫陽綱目  
 踵事春秋其間特書莽移漢祚光武中興丕廢  
 山陽昭烈踐祚懷愍亡國晉元嗣基徽欽蒙塵  
 宋高續統是皆於國仇未報之且亟正位號綱  
 目未嘗斥爲自立卒以正統與之本朝傳世十  
 六正統相承自治冠帶之屬繼絕存亡仁恩遐  
 被貴國夙膺封號載在盟府殿下豈不聞乎今  
 痛心本朝之難而驅除亂逆可謂大義復著者

手足膺難而如秦人  
 視越人之肥瘠言邈然無情也  
 規規求也幅員謂四境也  
 李自成此時在秦中

秋昔契丹和宋多輸以金繒回紇助唐原不利  
 土地况貴國篤念世好兵以義動萬代瞻仰在  
 此一舉若夫手足膺難并同秦越規此幅員爲  
 德不卒是以義始而以利終貽賊人竊笑貴國  
 豈其然乎今賊未伏天誅捲土西秦方圖報復  
 此不獨本朝不共戴天之仇抑亦貴國除惡未  
 盡之憂伏惟堅同仇之誼全始終之德合師進  
 討問罪秦中共梟逆成之頭以洩敷天之恨則



火酒言燒耐也

景國義聞千秋本朝固惟力是視從此兩國世通盟好傳之不窮不亦千載一時哉若夫牛耳之盟封本朝使臣久已載道不日抵燕奉盤盃以從事矣法北望陵廟無涕可揮身陷大戮罪應萬死所以不即從先帝者寔為社稷之故也殿下伏賜垂鑒○時灾異叠見又廟門告灾帝深居禁中惟漁幼女飲火酒雜伶宦演戲為樂修興寧宮建慈禧殿大工繁費宴樂賞賜皆不以節國用匱乏搜括殆盡馬士英濁亂國政邊

警日偏而主不知小人乘時射利識者已知不堪且夕矣○十一月史可法紆兵抵白洋河清兵入宿遷可法救之隨拔營去○高傑抵徐州時河南巡按陳潛夫告清發兵一往山西一往徐州一往河南豫主多鐸將從孟縣過河傑與劉澤清書云清發一王子領兵齊駐濟寧開封上下北岸俱是兵衆問渡甚急惟恐彼一越渡則天塹失恃長江迤北盡為戰場時事到此令人應接不暇惟有殫心竭力直前以報國恩而



晉孝武紀云泰遣兵分道寇晉陷諸郡云云或謂晉有長江之險持堅曰以吾之衆投鞭於江可斷其流

高傑斬程維孔

已○馬士英疏稱清兵雖屯河北然賊勢尚張不無後慮豈遂投鞭問渡乎况強弱何常赤薛三萬泚水八千一戰而江左以定况國家全盛兵力萬倍於前廓清底定愿諸臣刻厲之也○清副將唐起龍其父唐虞時致書高傑勸其早斷速降有大者王小者侯不失如帶如礪世世茅土之語傑不聽身先士卒沿河築壘竭力備禦時有徐州逋賊程維孔斬水編筏引兵渡河偽投傑降傑誘斬之收其衆○清兵至夏鎮別

由濟寧南下又從維陽渡河攻海州圍邳州史

可法高傑劉澤清等各告急不應○十二月都

督陳洪範南還先是洪範與左懋第等至德州

清撫臣方大猷示以攝政王命有來使不必敬

語止許百人赴京朝見懋第欲先謁陵後進見

多爾袞不許乃遙祭先帝入京館鴻臚寺內院

剛林責懋第等以江南不應更立天子懋第

不屈洪範降懋第請祭告諸陵改葬先帝皆不

許乃陳太牢於寺堂哭祭之遂放歸至滄州復



才言北補... 田表...

弘光元年 吳廷

遣兵追執懋等北去放洪範至是歸稱清兵  
萬分緊急且夕南下馬士英惡之曰有四鎮在  
何慮焉○時賊窺尖禹州襄城等處各鎮擁兵  
不進惟高傑提兵二萬大敗之副將劉鉉總兵  
劉洪起等斬獲最多○除夕帝在興寧宮色忽  
不怡司禮韓贊周言新宮宜權帝曰梨園殊少  
佳者贊周泣曰臣以陛下令節或思皇考或念  
先帝乃作此想耶○弘光元年正月戶科吳迨  
上言維新五事一曰信詔旨二曰核人才三曰

維新五事

奠定也

儲邊才四曰伸國法五曰明言責疏入不省○  
高傑防河疏請重兵駐歸德東西兼顧聯絡河  
南總兵許定國以奠中原定國在睢州傑遺定  
國銀幣抵睢州定國與傑有隙乃張宴享傑夜  
半伏兵起殺之親兵遇害者過半餘眾潰還定  
國奔清○加監軍衛胤文兵部侍郎總督傑軍  
史可法請以傑部將李本身為提督不允○黃  
得功復來爭揚州帝諭大臣當先國事而後私  
憾得功向揚州致高營兵將棄信東顧設虜渡

票已曾補己月...

明由松



高陽王之明詐冒先帝太子

供言白罪狀也

河罪將誰任命史可法鎮撫之得功回汛○三月禮部請上先帝太子謚曰獻愍皇太子永王曰永悼王定王曰定哀王未幾鴻臚寺少卿高夢箕密奏先帝太子在浙乃召至寓僧寺令內員迎入官內員歸報不寔傳文武官識認大學士王鐸給事中戴英詰問之知其詐冒曰以寔告當救汝即跪請救命授以紙筆供稱高陽人王之明係駙馬王昺侄孫家破南奔遇高夢箕家人穆虎教以詐冒東宮帝流涕曰朕未有子

故妃童氏

東宮若真即東宮矣明日戴英等具奏王之明偽假太子非稚年所能辨必有大奸挾為奇貨宜勅法司根究御史陳以瑞又奏愚民觀聽易惑道路籍籍皆以諸臣有意傾先帝之血胤帝諭將王之明好生護養勿驟加刑俟正告天下愚夫愚婦皆已明然後申法越三日集文武百官舉監生員耆老於午門外鞠之夢箕穆虎皆具服如之明言下之明刑部獄而京師士民謬以太子為非偽也○又有故妃童氏自越其傑

票已曾甫元月史各卷四

明由松



所至命付錦衣衛監候帝初為世子有妃李氏  
洛陽之變童氏本周府宮人逃亂至蔚氏縣  
遇帝於旅邸相依生一子已六歲賊破京師帝  
南奔各不相顧太妃與妃各依人自活之南妃  
故在帝不召至是自來帝不悅馬士英言苟非  
至情所關誰敢與陛下稱敵體宜迎童氏歸內  
密諭河南撫按迎致皇子以慰臣民之望以清  
奸宄之心童氏在獄細書入官月日相離情事  
呈覽帝棄去弗視尋命屈尚忠嚴刑酷拷童號

童氏  
庚死  
獄中

庚死卒死  
也

左良  
玉乞  
誅馬  
士英

呼詛罵遂庚死獄中○三月許定國引清兵入  
儀封李本身劉洪起馳斬定國先鋒劉道行清  
兵入考城尋破歸睢巡按御史凌駟死之清兵  
進逼江北直陷徐穎總兵李成棟南遁○四月  
寧南侯左良玉舉兵東下馳疏上言馬士英奸  
邪亂國政列其七大罪乞誅之又傳檄聲其罪  
中外囂然士英大懼京師戒嚴時左良玉兵由  
九江安慶至建德順流而下調黃得功劉良佐  
離汛遣劉孔昭阮大鍼等同禦之劉澤清亦托

汛猶鎮也

票已曾補元月史各卷四

明福王

四十一



勤王率兵南行揚泗徐碭勢同鼎沸史可法連  
 疏告警帝曰上游急則赴上游北兵急則赴北  
 兵自是長策可法曰上游不過欲除君側之奸  
 原不敢與君父為難若北兵一至宗社可虞不  
 知輔臣何意朦蔽至此乃移書士英懇其選將  
 添兵士英惟以左兵為慮不應○時帝惟以選  
 淑女為急先是應天府選三名不中司禮監又  
 選六名亦不中特遣內監甲壯國往杭州選到  
 陳氏王氏李氏三人進元暉殿○清兵已徇徐

碭下毫泗乘勢渡淮如入無人之境帝召對羣  
 臣馬士英力請亟禦左良玉大理寺卿姚思孝  
 工部吳希哲等皆言淮揚最急應亟防禦帝諭  
 士英左良玉雖不該興兵以逼南京然看他本  
 上意思原不曾反叛如今還該守淮揚不可撤  
 江防兵士英厲聲指諸臣對曰此皆良玉死黨  
 為遊說其言不可聽臣已調得功良佐等渡江  
 矣寧可君臣皆死於清不可死於左良玉手  
 自大呼有異議者當斬帝嘿然諸臣咸為咋舌

諛猶當也池北偶談云左良玉偃蹇武昌不奉朝命其東下以討馬阮為名實叛逆也咋齧也



史可法死

○清兵攻揚州。史可法禦之，頗有斬獲。攻益急，血奏請救，不報。可法開門出戰，清兵破城入，屠揚州。可法死之。兵部尚書張伯鯨被執，不降，身被數創，自剄死。妻楊氏、媳郝氏從之。○明日，帝召羣臣問遷都計。禮部尚書錢謙益言不可。馬士英請調黔兵入衛，辦走貴陽。吳希哲等力諫，乃止。○召黔兵一千二百名入城，住雞鳴山房。○左良玉舉兵，不數日病死。子夢庚東下，至采石，為黃得功等所敗，尋聞清兵信，急引還。○五

帝出奔 馬士英 奉 太后 走浙

月。清兵既破揚州，沿江問渡，惟靖虜伯鄭鴻逵一旅守於京口。清兵編筏張燈，向鎮江而別。由老鸛河渡，盡抵南岸。鄭兵揚帆東遁。○初十日，閉京師各城門，晝晦，大風猛雨。午後猶集梨園，入內演戲。帝與諸內臣裸坐酣飲。二鼓出奔，五鼓馬士英奉太后，召黔兵護衛，走浙。黎明，內門不閉，宮女襍走。於是各官奔竄。○忻城伯趙之龍閉各城門，以待清兵。居民競殺城內外黔兵，無有逸者。○有監生趙某，率市人百眾出王之



櫻觸也

明於獄擁入官中登殿鳴鐘百官莫有至者王之明粘示皇城略云先皇帝丕承大鼎惟茲臣庶同共甘苦胡天不祐慘罹奇禍凡有血氣裂眦痛心泣予小子分宜殉國思以君父大仇不共戴天。皇祖基業汗血匪易忍垢匿避圖雪國恥幸文武先生迎立福藩。惟先帝之哀奔投南都寔欲哭陳大義不意巨奸障蔽至櫻桎梏予雖幽獄無日不痛絕也福王聞兵遠遁先為民望其如高皇帝之陵寢何泣予小子父老人

皇猷猶大謀也

民圍抱出獄擁入皇宮予身負重寃豈稱尊南面之日乎謹此布告在京勳舊文武先生士庶人等念此痛懷勿惜會議予當恭聽共抒皇猷勿以前日有不識予之嫌惜爾經綸之教也○帝駐太平府二十里外黃得功阮大鍼等來見欲入太平大平民不納往蕪湖總兵官黃賦鄉遁登中軍翁之琪舟將往浙○清豫王多鐸已薄都城趙之龍同王之明出降多鐸入京劉孔昭劉澤清遁劉良佐降奉多鐸命追帝至蕪湖



帝囚於江寧縣

明季遺聞云死不知名者投秦淮河中馮小瑞百川橋下乞兒也小瑞以色幸卒以身殉兒題詩橋上

明季遺聞云死不知名者投秦淮河中馮小瑞百川橋下乞兒也小瑞以色幸卒以身殉兒題詩橋上

及之且召黃得功得功不從良佐伏弩射中得功喉得功創甚拔劍自刎良佐挾帝去翁之琪投水死帝見多鐸於內守備府尋囚於江寧縣多鐸分兵略定各屬張捷楊維垣等前後殉難者數十人○前遣使臣左懋第在北聞江南陷七日不食清攝政主多爾袞召見數之懋第不對惟請一死命薙髮堅不肯遂殺之題絕命詩有云峽圻策封歸路餘片雲南下意如何寸丹冷魄消難盡蕩作寒煙總不磨○清豫主多鐸

既定江浙挾帝及王之明歸北京閏六月唐王立于福州

帝聿到太祖後也封南陽為唐王初以父歿失愛於祖兩叔謀奪嫡未得請名及祖端王薨守道陳竒瑜知府王之柱為之請嗣後以紗兵勤王擅離南陽錮高牆會赦出性率直喜詩書手草傳檄五月清兵渡江南都弗守總兵官鄭鴻逵鄭彩撤師回閩會唐王從河南來奉之俱南至福州與福建巡撫張肯堂巡按御史吳春枝

肯與肯同苦等切

票也曾補元丁各案

明唐王

四十四



諍諫也。

濟濟盛貌。諉女恚切。累也託也。

船頭曰舳。船尾曰艦。

鄭氏貴振于七

鄭森初見

禮部尚書黃道周。南安伯鄭芝龍等。共會議立之。為監國王。鴻逵請正位。不然無以壓眾心。而杜後起。芝龍意別有在。固諍以為不可。不數日。即定議。即帝位。改福州為天興府。六月。封鄭芝龍為平虜侯。鄭鴻逵定虜侯。其他進官。有差。於是敷求耆碩。招選賢才。閣臣至三十餘人。然俱間無事。不令票旨。皆帝親為之。○時內外交武。濟濟然。兵餉戰守。機官專諉。鄭芝龍為政。芝龍幼習海。知海情。凡海盜皆故盟。或出門下。自就撫。後海船不得鄭氏令。旗不能往來。每一船例入三千金。歲入千萬計。芝龍以此富敵國。自築城於安平鎮。艦舳直通卧內。其守城兵自給餉。不取於官。旗幟鮮明。戈甲堅利。凡賊遁入海者。檄付芝龍取之。如寄。以故鄭氏貴振于七閩。芝龍有弟芝虎。勇冠軍。昔征劉香。沒於海。次鴻逵。次芝豹。俱為侯伯。一門聲勢烜赫。東南芝龍有子森。芝龍初落魄去之。日本娶倭婦。生森。數歲。芝龍歸福建。就撫。以叔劉香功。遷都督。于是

票已曾補元月史各卷四

明唐王

四十六



賜鄭森國姓改名成

駙馬都尉言天子之女婿也

森在倭已七歲矣。芝龍屢請得之。森風儀整秀。倣儻有大志。每東向而望其母。常為季父芝豹所窘。叔父鴻逵獨偉視焉。讀書穎敏。不治章句。先輩王觀光一見謂其父曰。是兒英物。非而所及也。十五補弟子員。至是年二十三。陛見帝。奇之。撫其背曰。惜無一女配卿。卿當盡忠。吾家無相忘也。賜姓朱。改名成功。封御營中軍都督。賜尚方劍儀同駙馬。自是中外稱國姓。是年日本送歸其母。○李自成南走到辰州。清兵進攻之。

李自成死

自成營羅公山。倚險築壘。為久屯計。勢彌蹙。食盡。逃者益眾。自成自將輕騎抄掠清人。設伏邀之。殺傷幾盡。自成以數十騎突走村落中。求食。邨民共擊殺之。任李過。僅奪其屍。滅邨而還。以衮冕葬之。羅公山下。賊諸將奉李過為首。渡湖入險山中。羣盜俱散。○八月。粵西有靖江王者。稱監國。帝詔至。不服。舉兵將東。廣西巡撫瞿式耜令總制丁魁楚為備戰。大敗之。擒靖江王及其黨。械至福州。俱斬於市。○先是清兵入浙。

標已曾補元月史各卷四

明唐王

四十一



珏音覺

魯王監國紹興

潞主以城降。蘇松巡撫祁彪佳。左都御史劉宗周等死之。原任大學士高弘圖。流寓紹興城外。逃至野寺。不食死。○時馬士英率所部奉弘光帝。母妃至紹興。紹人十猶未知弘光帝所在。原任九江僉事王思任。上疏請斬士英。○原任山西僉事鄭之尹。子鄭遵謙。與張國維方逢年等。迎立魯王於台。朱大典亦遣孫珏。上表勸進。魯王監國紹興。國維首疏參馬士英。悞國十大罪。士英懼不敢入朝。時逢年國維等俱為大學士。

頒詔言唐王即位之詔也

左傳云。雖鞭之長。不及馬腹。猝然暴疾也。

遵謙封義興伯。國維督師。江上賜尚方劍行事。命御史陳潛夫監各藩鎮兵馬。復富陽于潛等兵馬雲集。會閩中頒詔至。諸求富貴者爭欲應之。監國下令返台。士民惶惶。國維星馳上疏於帝。謂國當大變。凡為高皇帝子孫。臣庶所當同心併力。成功之后。入關者王。監國退居藩服。禮誼昭然。且監國當人心奔散之日。鳩集為勞。一日南拜正朔。鞭長不及。猝然有變。唇亡齒寒。悔莫可追。臣老臣也。豈若朝秦暮楚之客哉。疏出。

明唐王

明唐王



浙閩成水 唐王在閩 魯王在浙

行間言行 伍之間也

隆武元年

鄭芝龍 文官 官忤

議始定而浙閩成水火。○鄭芝龍開府於福州。坐見九卿權勢振于朝宰相半出門下集廷臣議戰守兵自仙霞關而外其守者一百七十處每處守兵多寡小等給餉不足芝龍令撫按以下皆捐俸助餉又借徵次年錢糧又大驚官爵於是媚優厮隸盡列冠裳然猶苦餉不足所招關門兵不過疲癯數百人耳時廷臣請出關者章滿公車帝亦欲躬履行間而芝龍日以缺餉為辭○隆武元年正月鄭芝龍日與文官忤然

帝心知芝龍不可恃卒無以制之芝龍亦以不出關無以壓衆心乃分兵為二聲言萬人實不滿千人令鄭鴻逵鄭彩出浙東江西帝做淮陰故事築壇郊拜而送之既出關疏稱餉缺駐不行詔書切責不得已踰關行四五百里而還○黃道周請募兵江西江西多其子弟願俱效死軍前鄭芝龍不與一錢帝給空劄百函為行資而已道周以劄號召門下得百人居言安出兵徽州為清兵所擒械送江寧道周絕粒不食積

票已曾補元明史略卷四

明唐王

四十九



十四日不死清內院洪承疇惜其才疏救清主  
 不允尋駢斬於市○蔣德璟自請行關察情形  
 相機督戰帝許之比至則疲兵弱卒朽甲鈍戈  
 一無可為德璟告病去而戶部尚書李長倩以  
 餉不繼憂死泉州知府鄒式金見事不可為予  
 告去○吏部郎中趙五成與尚書張寅堂同籍  
 江南疏言臣等生長海濱請以水師千人從海  
 道直抵君山襲取金陵以迎陛下計陛下陸行  
 期同會於金陵帝大喜亟催鄭芝龍造艘芝龍

封朱成功  
 忠孝伯

笑諾事不果○封朱成功忠孝伯成功一日見  
 帝愁坐泣奏曰陛下鬱鬱不樂得無以臣父有  
 異志耶臣受國厚恩義無反顧臣以死扞陛下  
 矣○二月帝決意親征駐建寧帝意欲往江右  
 猶豫未定而鄭芝龍固請回省省中人數萬呼  
 擁謂絕天下望因駐蹕劍津當是時兵羸餉絕  
 當事無談及兵事者舉朝如夢如醉不待識者  
 而知其敗壞矣○清江南招撫使洪承疇福建  
 招撫使黃熙胤皆晉江人與鄭芝龍同里芝龍

票已曾補元明史略卷四

明唐王

五十一



鄭芝龍欸于清

過速也

唆喉也勸也

密遣使微行通欸而疏稱海寇狎至今三關餉取之臣臣取之海無海則無家非過征不可拜表即行中使手勅云先生稍遲朕與先生同行及之河則飛帆過延平矣芝龍既去守關將施福盡撤兵還安平聲言缺餉○三月清兵驅船開腹入江監國魯王防之張國維命王之仁紗水師從江心襲戰是日東南風大起之仁揚帆奮擊之國維督諸軍渡江會帝使陸清源賚詔至江犒師馬士英唆方國安斬之且出檄文數

灶與竈同

帝之過國維曰禍在此矣○四月杭州固守堅不可克監國議抽兵屬張國維西征命禮部尚書余煌督師江上○五月清貝勒王屯兵北岸用大砲擊南營碎其中厨鍋灶方國安曰此天奪吾食也更念帝曾以手勅相招入閩必大用即不支便道可退入滇黔夜遂拔營走至紹興陳兵劫監國南行江上諸師聞報俱潰鄭遵謙携貲入海惟王之仁一軍尚在將由江入海張國維與之仁議抽兵五千分守各營之仁泣曰



清兵渡江

硃音諸。硃示。朱書也。

壞天下事者非他人方荆國也。清兵數十萬屯北岸。條然而渡。孤軍何以迎敵之仁。有船可入海。公兵無船。速當自為計。國維乃振旅。追扈監國。余煌大張硃示。盡啓九門。放兵民出走。畢正衣冠赴水死。○六月。清兵渡江。方國安馬士英計獻監國。降清。乃遣人守監國。守者忽病。監國得脫。登海船。傳命張國維。邊防四邑。遂過東陽。○清兵破義烏。至七里寺。張國維具衣冠南向再拜。曰。臣力竭矣。作絕命詩三章。從容赴圍池。

死王之仁。載其妻妾並兩子。婦幼女。諸孫盡沈於蛟門下。獨至松江。見內院洪承疇。自請就戮。西市。兵部侍郎陳函輝。王忠任等十四人殉難。馬士英。阮大鍼等。猶擁殘兵。數請入關。帝以其罪大不許。士英遁至台州。山寺為僧。隨為清將搜獲。阮大鍼迎降。方逢年。方國安等。剃髮俱降。○八月。帝自鄭芝龍去後。乃定計幸贛州。抵順昌。聞清兵已及劍津。且踵至倉皇騎而奔。從行者止。何吾騶。郭維經。朱繼祚。黃鳴俊。數人已而



貝勒  
斬帝  
及后  
於市

扛荷擔也

何與郭亦散去帝將入贛州因停一日曝龍鳳  
衣清兵至擒帝后及從駕朱繼祚黃鳴俊械至  
福州貝勒斬帝及后於市繼祚為亂兵所殺鳴  
俊許授五品官以老疾辭○先是清兵至順昌  
搜龍扛得馬士英阮大鍼方國安父子方遊山  
連名請駕出關為內應疏在已降後大鍼遊山  
自投崖死仍戮尸士英等四人駢斬延平城下  
家眷百餘口悉給賜兵丁○九月清別遣李成  
棟韓固山略興泉汀邵漳州等處皆陷之太學

薦紳猶縉  
紳也

士蔣德璟絕食死之初清兵未至泉州鄭芝豹  
先至閉城門大索薦紳富民餉不應即梟之至  
縛親家母於庭抵暮得數萬金俄而韓固山兵  
至芝豹奔安平朱成功母不去死之○十月鄭  
芝龍保安平軍容烜赫戰艦齊備以前遣洪黃  
之信未通猶豫未敢迎師又自恃先撤關兵無  
一矢相如有大功於清而兩廣素屬部下若招  
兩廣以自效聞廣總督可得猶南面王也貝勒  
合泉紳郭必昌與芝龍最厚者招之芝龍曰我

票巴曾甫元月史各卷四

明唐王



清貝 勒以 書招 鄭芝 龍

非不忠於清恐以文王為罪耳。會韓固山兵逼安平。芝龍怒曰：「既招我，何相逼也？」貝勒聞，乃退固山。離安平三十里，而軍以書招之。其略曰：「吾所以重將軍者，以將軍能立唐藩也。人臣事主，苟有可為，必竭其力。力盡不勝天，則投明而事。乘時建不世之功，此豪傑事也。若將軍不輔立，吾何用將軍哉？且兩粵未平，今鑄閩粵總督印，以相待。吾所以欲將軍來見者，欲商地方人才故也。」芝龍得書，大喜。其子弟皆勸芝龍入海。魚

鄭芝 龍降 于清

鄭成 功率 所部 入海

不可脫於淵，不願降。成功泣諫曰：「父教子忠，不聞以貳。且北虜何信之有？」芝龍曰：「喪亂之天，一彼一此，誰能常之？若幼惡識人事，遂進降表至福州。貝勒握手甚歡，折矢為誓，命酒飲三日。夜半忽拔營起，遂挾之而北矣。從者五百人，皆別營，不得見，亦不許通家信。」芝龍謂貝勒曰：「北上，面君，乃龍本愿。但子弟多不肖，今擁兵海上，倘有不測，奈何？」貝勒曰：「此與爾無與，亦非吾所慮。」芝龍既行，朱成功乃率所部入海。芝龍嘆曰：「成

票已曾補元月史各卷四

明唐王

元一四



欄衫小襦  
無袖端也

功不來。清朝其道。敝乎使君。憂者必此子也。成  
功雖遇主。列爵實未嘗。一日與兵柄。意氣狀貌  
猶儒生也。迺悲歌慷慨。携所著儒巾。欄衫。赴文  
廟。焚之。拜先師曰。昔為孺子。今為孤臣。向背去  
留。各有作用。謹謝儒服。高揖而去。與所善陳輝。  
張進。施琅。施顯。陳霸。洪旭等。願從者九十餘人。  
乘二巨艦。去收兵南澳。得數千人。文移稱忠孝  
伯。招討大將軍。罪臣國姓。鄭彩。鄭鴻逵。亦率所  
部入海。○張肯堂。沈猶龍等。亦往舟山。依魯王。

○福建既陷。一月。永明王立。于肇慶。

帝由榔。桂王之子。為神宗嫡孫。初封衡陽。以寇  
亂。徙寓梧。會桂王已薨。永明在衰絰。中先是福  
州既失。兩廣總督丁魁楚。與廣西巡撫瞿式耜。  
會議監國。兵部尚書呂大器等。自閩至。共謀立  
之。以肇慶府署為行宮。推置僚署。有差。魁楚大  
器。俱為大學士。○十一月。福建舊相蘇觀生等。  
遁回廣東。與布政使顧元鏡。擁立隆武帝。弟唐  
王聿錫。監國年號紹武。會贛州。敗書至。司禮太

紹武

錫音隄

票已曾甫元月史各卷四

明唐王



監王坤起駕移梧避之。瞿式耜謂今日之立為祖宗雪仇耻正宜奮大勇以號遠近苟自懦外棄門戶內釁蕭牆國何以立爭之不得遂移梧州尋還肇慶乃遣兵科給事彭燿往廣州諭之。警曉倫序監國前後國家仇讐利害觀生等殺燿於市日集兵向肇慶。○十二月清總兵李成棟陷廣州擒唐王允周王益王遼王等盡斬之。誅蕪觀生遂發兵往南韶而親下肇慶瞿式耜聞報請視師督戰士駐峽口王坤復請西避之。

永曆元年

式耜爭之不聽遂駕小艇上西峽。○永曆元年正月朔駕至梧州時丁魁楚從梧西走岑溪王化澄走潯州隨行者止瞿式耜一人耳。○李成棟攻陷肇慶隨發副將楊文甫張月領兵攻高雷廉三部乃一鼓而入梧州廣西巡撫曹燁出降。○二月帝抵桂林瞿式耜肅殿陛勅守禦誕告楚蜀各鎮。○朱成功提師歸自南澳舊衆稍集泊鼓浪嶼與鄭彩鄭聯所踞廈門浯洲隔帶水廈門者中左所也浯洲者金門也隸同安為

票已曾補元月史略卷四

明唐王



才言此補丁明史卷四

五十一

扼。搃也。

兩島數出兵沿海郡邑大震○丁魁楚在岑溪屯兵千餘清人招之不降清人乃水陸設伏大戰丁兵敗魁楚中箭死濕江平樂及高雷廉三府俱降于清○三月清兵渡海陷瓊州警報叠至王坤又趣駕往楚瞿式耜上疏爭之言勝敗存亡山川要害甚激切不聽仍請無已身留桂乃命式耜留守桂林各路悉秉節制式耜又請暫駐駕於全州以扼楚粵之中○四月清兵薄桂林衡人文昌門城中人恐時焦璉自全州歸

驛與式  
焦璉  
危城  
孤守

從數人控弦提刀與清兵接戰稍却之清兵屯陽朔式耜與璉危城孤守疏詣全州徵安國公劉承胤兵承胤發兵數千援桂未幾承胤甚橫脅劫帝幸武崗式耜疏留全陽議不合承胤諸部挾餉不出兵與璉兵主客不和譁變擊鬪掠市而去帝竟駐武崗○五月清兵偵兵變積兩城壞環攻桂城吏士皆無人色焦璉負創奮臂大呼督師分門嬰守用西洋銃擊中馬騎尋出城戰奮勇擊殺自辰抵午不及餐瞿式耜括署

票已曾補元月史各卷四

明唐王

五十一



左傳隱十一年鄭伯曰不惟許國之為亦聊以固吾圍也杜註圍邊陲也

播越猶言逃散也

中米蒸飯分哺之士卒俱樂用命明日復出戰清兵旋去式耜先命路將馬之驥伏於隔江犄角接應固圍倍慎三月之內危於清亂於兵式耜一手指揮底定璉久將桂得桂人心式耜國士遇之故獨得璉死力○瞿式耜上疏請返蹕全陽不聽乃督焦璉復柳潯及梧州具疏上言粵西全定請還桂林時清兵陷長沙而衡州相繼失武崗復敗帝播越入粵次柳州式耜屢疏極言不可他移一步柳州搖蕩襍處地瘠民貧

明季遺聞士司作上可按士疑去訛

不可久駐時會士司覃鳴珂與道臣龍文明構兵帝復次象州式耜與督師何騰蛟等籌畫刻期出師全州戰勝諸帥連營而軍清兵因次楚○十一月帝自象州抵桂瞿式耜與嚴起恒並相○二年二月何騰蛟督師出全兵不睦焦璉下平樂郝永忠壁興安未幾永忠營被襲至闕欲撤兵左右禁近刻期欲帝遷式耜持不可言督師警報未至二百里外風塵而遠使主露處耶播遷無寧日國勢愈弱兵氣愈難振民心皇

二年

票已曾捕心月

明唐王



皇復何依哉左右禁近周章不能止夜半駕已  
 行矣潰兵肆掠蹂躪公署職官無一得免式相  
 被逼登舟至於漳水港刑部侍郎遠生給事中丁  
 時魁等俱至式相集遠生等入民屋立草檄分  
 路四發暫駐陽朔催璉兵上援督師騰蛟自永  
 寧至璉自平樂紆兵至式相復入桂署○三月  
 清兵疑桂城空虛直抵桂北門何騰蛟督兵三  
 面禦之清兵渡甘棠去○帝駐南寧詔旌瞿式  
 相賜銀幣又賜精忠貫日金圖書一枚式相念  
 南寧蠻鄉不可久駐日為帝清道督勳鎮將士  
 直取全州○四月皇子生冊為太子赦天下詔

萬喜

漢制。藏秘書於蘭臺石室。

三年

曰萬喜瞿式相念無講官經筵不御石室塵封  
 何由聞得失手書八箴於扇進之○五月督師  
 何騰蛟復全陽○六月清總兵粵東李成棟歸  
 順吳疏迎駕又江右金聲桓據南昌遣使奏降  
 疏兩粵稱全土瞿式相疏請往桂帝竟由梧州  
 入肇慶○三年正月清兵破湘潭何騰蛟死之  
 信豐南昌相繼敗李成棟金聲桓皆沒於陣帝

票已曾補元月各卷四

明唐王

五十一



設壇掛帛拭涕親祭專命瞿式耜留守督師○  
 三月朱成功募兵于銅山攻漳浦屯分水關○  
 四月清遣使貽書招瞿式耜式耜不從○七月  
 帝遣使至島封朱成功為延平公○四年正月  
 南雄不守韶州亦陷帝震恐戒舟西上瞿式耜  
 疏留之不聽遂移德慶抵梧州○六月朱成功  
 入潮州先是鄭鴻逵踞湖之揭陽邀成功入揭  
 陽時兩島為鄭彩鄭聯所踞其將童雲飛恣肆  
 不道成功密與諸部計曰兩島吾家卧榻之側

宋太祖曰  
天下一家

朱成  
功并  
鄭聯

卧榻之側豈容他人  
 軒睡乎  
 漢書云威稜憚于隣  
 國李賈傳注神靈之  
 威曰稜字彙  
 動也  
 戢斂也詩云載戢干  
 戈

豈容人軒睡迺嚴部勒自揭陽揚帆抵廈門聯  
 不虞乃出見交拜極歡成功笑曰兄能以一軍  
 見假乎聯未對諸執銳者前矣唯唯惟命諸軍  
 警伏莫敢動成功已并聯軍威稜日憺海上軍  
 皆屬焉可四萬餘人彩率所部南遁○十一月  
 清兵薄全州入嚴門守兵不戰四潰城中大亂  
 沿道駟掠瞿式耜命戢不得衣冠危坐署中適  
 總督張同做自靈川回遇式耜曰事迫矣公將  
 奈何式耜曰封疆之臣知有封疆封疆既失身

明唐王

明唐王



也。賈音耕續

命和式

五年

將安往。同做曰。公言是矣。做當共之。遂笑與式  
 和飲。家人泣請出危城。召諸勳。再圖恢復。式和  
 揮去。不從。厥明被執。見清。定南王。孔有德。式和  
 以死自誓。不復一言。孔有德命幽式和。同做於  
 別所。式和賦詩。日與同做。賡和。遂遇害。其絕命  
 詩曰。從容待死與城。千古忠臣自主張。三百  
 年來恩澤久。頭絲猶帶滿天香。○帝復去。上南  
 寧。入土虜。嚴起恒。王化澄等。皆隨去。○十二月。  
 清兵陷廣州。鎮帥江寧伯杜永和奔瓊州。○五

也。慢音獲。驚

年正月。朱成功謀接杜永和。率眾而南。二月。舟  
 次平海衛。是時清將馬得功偵兩島無守備。攻  
 廈門。陷之。鴻逵棄揭陽。回島。攻圍得功。得功欲  
 退。不得。謂鴻逵曰。公等眷皆在安平。脫得功不  
 出。恐不利公家。鴻逵患之。乃逸得功。四月。成功  
 至自平海。得功去兩日矣。成功大悔恨。按失律。  
 罪殺鄭芝莞。芝莞成功從叔。守島者也。諸將慢  
 慄。兵勢復振。鴻逵泊白沙築寨。以居。五月。成功  
 攻南溪。敗之。十二月。攻漳浦及海澄。清守將楊

票已曾補元明史略卷四

明唐王



擣音鬚馬  
鞭也  
擬音樹擬  
擊也  
穀音始弓  
矢持滿也  
跌宕與跌  
孔融傳跌  
蕩故言注  
無儀檢也

世德陳堯策郝文興等皆降。○六年二月朱成  
功攻長泰清副將王進與中提督甘輝遇于北  
溪二人俱雄健聞于軍久念決雌雄廼奮擣傳  
矢以兩馬相當輝堪進則隱之進穀輝亦落之  
自已向午縱橫跌宕既而兩家兵至于是廼解  
進入長泰輝日夜攻克之進與數十騎出走郡  
城漳浦屬邑俱下。○五月清總兵馬逢知來援  
突入郡城朱成功圍之不下城中食盡人相食  
枕籍死者七十餘萬人十月清援兵大至乃解

朱成功  
防海  
清兵  
于海  
激

敵樓言望  
敵之樓也

圍去成功久頓堅城師老糧匱乃收兵保海激  
○帝在安隆所封李定國為西寧王破清定南  
王孔有德于桂林敬謹主尼堪于衡州○七年  
五月清兵攻海激城壞百餘丈朱成功親立雉  
堞督眾堵禦左右死者層積成功與諸將飲敵  
樓矢礮雨下指揮自若大呼曰天尚贊我無落  
吾事須臾下息礮碎其座一夕忽空砲逆發成  
功謂諸將曰賊將臨城勒兵持斧以待清兵渡  
濠入郭大呼登城眾舉斧砍之清兵死傷填濠

票已曾補元明史略卷四

明唐王

六十一



四年

大敗宵遁。激守益堅。○八年五月。清遣使招朱成功。為海澄公。成功不從。數出兵縱橫。福興。泉漳等郡。十月。清復遣使招之。成功不從。清主怒。實鄭芝龍于高俎。成功不顧。十二月。攻漳州。清守將劉國軒。朴世用等降。屬縣十邑俱下。乘勝略泉州屬邑。成功軍律明肅。無所淫略。分所部為七十二鎮。令六官分理庶事。改中左所為思明州。以鄧會知州事。奉監國魯王盧溪王寧靖王居金門。凡諸宗室。厚給贍之。禮待避墜。薦紳

九年

王忠孝等軍國大事。時以諮之。凡所優宜。封拜輒朝服。北向。稽首。望行在。疏而焚之。○九年。朱成功數出軍。六月。取安平鎮。漳州。及惠安。南安。同安。三邑。十一月。清定遠太將軍。庶子王入閩。成功圍島。○十年。正月。庶子王略沿海。攻兩島。大敗而還。六月。朱成功將北略。尅日解纜。臨期。部將黃梧。蘓明等。陰降于清。諸軍潰去。甘輝聞亂。進攻不勝。遂從成功。破閩安鎮。逼福州。○十一年。二月。帝在雲南。鄭鴻逵卒于浯洲。朱成功

十年

十一年

標已曾補元明史略卷四

明唐王

六十二



年十二

楊師補元明史卷四

六十三

年十三

三藩紀事  
云。鍊人者。  
周身披鍊。  
画以朱碧。  
彪文陣於  
行首聳立。  
視馬足而  
斫之。  
颯與帆同。

回島。○十二年。帝遣使航海。晉朱成功延平郡  
王甘輝。崇明伯。其他拜爵有差。七月。成功議。木  
舉取南京。部署諸將。甲士十七萬。習流五萬。習  
馬五千。鍊人八千。號八十萬。戈船八千。揚颯北  
上。至浙江。攻樂清等州縣。克之。○十三年五月。  
帝在永昌。朱成功至。崇明諸將請先取崇明。為  
老營。成功不聽。七月。至焦山。謂諸將曰。瓜鎮為  
金陵門戶。須先破之。授諸將機宜。自督親軍進  
中提督甘輝。左提督翁天祐等。建大將旗鼓直

亂。字彙絕  
沈而渡。曰

搆瓜洲。清將朱衣祚。左雲龍等。率滿漢騎兵一  
萬會戰。成功麾軍大進。右武衛周全賦。率兵登  
岸。直破清陣。斬雲龍于橋下。衣祚奔城。正兵鎮  
韓英奪門而入。登城樹幟。全賦望之。麾軍疾進。  
陷西北隅。以入。搜殺清兵。皆盡。遂進取蕪湖。亂  
楊子。趣鎮江。壘于銀山。清兵數萬。萃而攻之。不  
動。駐騎射如雨。成功令發火砲。多鼓鈞聲。廊瓦  
皆動。清兵大北。鎮江屬邑皆下。成功乃令張煌  
言。楊朝棟等。招撫江南江北。于是當州。徽州。池

票已曾補元明史各卷均

明唐王

六十四



州太平滁和六合等州郡多欲附者蕪湖縣清  
 守兵皆遁甘輝曰瓜鎮為南北咽喉但座鎮此  
 斷瓜洲則山東之師不下南都不勞而定矣成  
 功不聽率師登舟進取金陵檄四方八月舟至  
 觀音門登岸軍於獅子山度營壘令將士分屯  
 諸山成功屯岳廟甘輝曰夫兵貴先聲彼眾我  
 寡擊其未定且拔若彼集禦固君必悔之成功  
 不聽輝退而告人曰吾不復此矣既而清兵薄  
 前鋒營統領余新擊敗之遂輕敵無備成功聞

甘輝  
先見

之令人馳讓新猶如故清副將梁化鳳襲其營  
 新不及甲倉皇出走遂就禽成功遣軍馳援已  
 無及矣明日清兵出步卒擣中堅成功率親軍  
 擊敗之清兵數萬從山後出薄左前鋒營將士  
 轉戰三合三却遂敗走諸將萬禮林勝等皆陣  
 沒成功麾軍急退爭舟而渡獨甘輝日戰且走  
 至江騎能屬者三十餘人凡所擊殺數十百人  
 馬蹟被獲至城南金水橋余新方屈膝輝怒踢  
 之戟手罵不屈死最烈十月成功還烏祠忠臣

踢蹴也

標已繪補元明史略卷四

明唐王



十四

十五

廟以甘輝為第一曰吾早從甘輝之言不及此

○十四年五月清將軍達素總督李率秦部分

滿漢軍攻兩島朱成功自勒諸部扼海門傳令

諸將碇海中流按軍不動清船進至諸軍倉卒

受命莫敢先發清兵乘之副將陳亮策等死焉

東風盛猛清船既得上流成功自手旗起師引

巨艦橫擊之風吼濤立一海皆動比人不諳水

眩暈不能軍僵屍布海大敗而退竟成功之世

無覆島者○十五年帝在緬甸朱成功自江南

喪敗地蹙軍孤念帝蒙塵于外存亡不可知第

放天祐天復故事孤持正朔乃議取臺灣遷之

臺灣為土蕃部族在南紀之曲東倚管巒西迫

巨浸北之雞籠城與福州對峙南則河沙磯小

琉球近焉周袤二千餘里孤嶼環瀛相錯如繡

物產之利畊耘並耦日用之需無所不有固東

南之一大聚落也鄭芝龍嘗居之未久而去荷

蘭人來盤踞其地諸將以險遠為難談極日而

不決成功意銳振舵束甲遂行三月泊澎湖狗

東成 功取 臺灣 遷之

唐昭宗末 年改元天 復又故天 祐遷都東 京島為朱 全忠所殺 于哀帝立 仍稱天祐 不改元四 年禪于梁 又按哀帝 廢後晉岐 淮南諸鎮 猶稱天祐 年号 揆也終 也王安石



詩東西疾  
視萬舟回  
也

燁音葉

改明年為康熙元年

曰。眡。吾。鷁。首。所。鄉。至。鹿。耳。門。則。水。驟。漲。丈。餘。大。小。戰。艦。橫。縱。畢。入。紅。夷。大。驚。以。為。自。天。而。下。成。功。以。手。加。額。曰。此。天。所。以。哀。孤。而。不。委。之。壑。也。天。赦。孤。臣。必。有。寧。宇。矣。引。兵。登。岸。克。赤。嵌。城。荷。蘭。戰。不。利。退。保。王。城。○。清。主。福。臨。殂。是。為。世。祖。第。三。子。玄。燁。嗣。位。改。明。年。為。康。熙。元。年。十。月。棄。鄭。芝。龍。于。柴。市。子。孫。在。京。者。皆。戮。之。遷。各。省。沿。海。邊。界。居。民。以。絕。接。濟。十。二。月。朱。成。功。復。攻。王。城。因。風。縱。火。燒。其。夾。板。告。之。曰。此。地。迺。先。人。故。

朱成功攻臺灣為安平鎮

而疑持之訛

朱成功學官起于臺

物。珍。寶。不。急。之。物。悉。聽。而。歸。地。歸。我。兵。始。罷。荷。蘭。乃。降。送。之。歸。國。諸。上。酋。皆。受。約。束。改。臺。灣。為。安。平。鎮。亦。畝。城。為。承。天。府。總。曰。東。都。縣。曰。天。興。萬。年。成。功。既。聞。清。遷。界。令。下。嘆。曰。使。吾。狗。諸。將。意。不。自。斷。東。征。得。一。塊。土。英雄。無。用。武。之。地。矣。沿。海。萬。里。盡。委。棄。之。使。田。廬。丘。墟。墳。墓。無。主。寡。婦。孤。兒。望。哭。天。末。惟。吾。故。之。以。今。雖。披。猖。亦。復。何。用。但。收。拾。餘。燼。銷。鋒。灌。燧。息。兵。休。農。待。天。下。之。清。未。晚。也。迺。立。典。法。辟。刑。獄。起。學。官。計。丁。庸。



十六年

朱成功卒于臺灣

養老幼。物土方。臺人大集。鄭氏遂安。○十六年。朱成功長子經居島。頗耽聲色。與乳媪通生子。成功治家嚴肅。聞之大怒。遣使至島諭鄭泰。監殺經及經母董。以教兒不謹也。諸部大驚。又知成功病革。或亂命不從。謀保全。五月。延平郡王招討大將軍朱成功卒于臺灣。年三十九。臺人以其弟襲為講理。六月。成功赴至島。經嗣位。清靖南王耿繼茂遣人招諭泰等。議曰。先藩連年用兵。徒苦父老。東行之時。猶令權宜。通好今日。

桑梓見洪武十二年。昭與照同。

邊巡卻退之貌。稅音脫。

十七年 帝崩 朱經 猶奉 朔稱 永曆

當為桑梓計。請經。經曰。吾將東。諸君善圖之。議。昭。朝鮮事例。遣人通好。不報。十月。經帥師往臺灣。黃昭奉襲拒經。經射昭殛。眾遂巡稅甲。經遂入臺。收殺主謀者。餘寘不問。待襲如初。○十七年。清康熙。帝崩于溟城。赴音至。朱經猶奉朔稱。永曆。始鄭泰潛結黃昭拒經。事露。經乃伴置酒。邀泰。縊殺之。泰子纘。弟鳴駿。亡歸清。將士先後歸清者多矣。于是清主銳意南掠。令將士分道疾進。經分部死士禦之。眾寡不敵。退守銅山。清。

標記增補元明史略卷四

鄭經

六十八



左傳隱公  
十一年使  
營菟裘吾  
將老焉

十九年  
二十年  
二十三年

二十七年

兵入島墮兩城棄其地收其寶貨婦女而北兩  
 島之民爛焉自是之後親族兵將大抵皆降于  
 清獨有陳永華馮錫範等及經還臺大小庶事  
 悉委永華永華為政頗雜儒雅與民休息改東  
 都為東寧分諸將土地修鬼表視無西意○十  
 九年清康熙四年清令水師提督施琅攻臺灣船至  
 外洋為颶風飄散不克而還○二十三年清康熙八年  
 春清主遣人招諭朱經不從清亦不敢加兵  
 經令其將往來島上互市○二十七年清康熙十年

吳三桂叛  
子清  
二十八年

十一月清平西王吳三桂據雲南四川貴州以  
 叛○二十八年清康熙十三年三月清靖南王耿精忠  
 據福建亦叛馳數騎傳檄七建皆下授提督主  
 進功等將軍官勢威頗振遣使入臺請濟師四  
 月清潮州總兵劉進忠以城降于精忠精忠調  
 海澄總兵趙得勝兵得勝不從與將士議奉朱  
 經經以陳永華為留守總制率侍衛馮錫範兵  
 官陳繩武史官洪磊等渡海而西授得勝興明  
 伯左都督自經東遷偃武息民兵甲鈍敝船不



滿百軍不滿萬。精忠頗易之。經遣人說精忠。借漳泉二府為召募。精忠難之。于是耿鄭交惡。五月。經取同安。清守將張學堯降。精忠懼。以都尉王進守泉州。六月。王進功。子藩錫誘殺泉州城守賴王。兵民多從藩錫者。遂逐進。納款于經。經乃入泉州。授藩錫指揮使。盡委國事。七月。清兵圍潮州。精忠不能救。進忠亦納款于經。經遣舟師援之。以進忠為定虜伯。前提督。九月。精忠命王進取泉州。十月。經命將七敗進于塗嶺。追至

三十九年

興化而還。吳三桂禮曹周文驥使經平耿鄭。二十九年。清康熙十四年。正月。耿精忠遣使于朱經。議和。以楓亭為界。五月。右武衛劉國軒入潮州。與左虎衛何祐及劉進忠兵數千人。徇屬邑之未下者。清平南王尚可嘉兵十餘萬。盡銳來攻。相持久。國軒食盡。議退守潮。可嘉麾毅騎晨掩祐軍。戰于鸞母山下。祐以身先旗。直貫驍騎。出其左右。國軒繼之。大敗清軍。追奔四十餘里。斬首二萬。捕虜七千。麟藉死者徧滿山谷。國軒威名

鸞音候。麟也。



三十一年

三十一年

詩豳風狼跋篇云狼跋其尾載跋其胡集

注老狼有胡進而躐其胡則退而踏其尾

震于南粵。六月。經帥諸將圍漳州。黃芳度、芳度、清、海微、公梧子。方經之至島陽。為受命陰通于清。事泄。於是經圍之。芳度盡力防戰。十月克之。芳度投井而死。○三十年。清康熙十五年二月。清王尚之信降于吳三桂。三桂讓惠州于朱經。劉國軒入踞之。九月。清兵入閩。耿精忠降。其守將馬成龍以興化款于經。初精忠思與鄭氏併力。已而不協。清擊其外。鄭擊其內。前後跋扈。卒至于敗。○三十一年。清康熙十六年正月。趙得勝何祐拒

三十一年

清兵于興化城下。清兵縱及間。祐疑得勝貳于清。而不扶師。潰得勝戰死。興化遂陷。泉漳二州亦潰。朱經退入島。六月。劉國軒棄惠州入島。經以國事委國軒。今年吳三桂病死。○二十二年。清康熙十七年二月。朱經授劉國軒中提督。揚帆入鎮門。壁碧湖。戰于赤嶺。清總督郎廷相等按兵漳上。泉福潮三州兵。後先來援。國軒數戰皆敗之。遂取平和漳平。圍海微。六月。清主以布政姚啓聖為總督。趣諸軍援。徵次葛布山。隔帶水相望。

精言地補元明史略卷四

鄭經

七十一



三十三

泗音囚浮  
行水上也

三十四

而已。圍中食盡城破。提督段應舉自經。清兵自  
 縊死者甚衆。國軒軍威益熾。遂取長泰同安。七  
 月。乘勝圍泉州。八月。清分兵五路。尅期援泉州。  
 九月。國軒帥二十一鎮與清兵戰于龍虎山。大敗。  
 凶師五千。國軒尾所乘馬。泗河以遁。○三十三  
 年。清康熙二十八年。二月。朱經敗清兵于定海。八月。清兵  
 攻蕭井寨。不克而還。十一月。清姚啓聖開第于  
 漳州。曰修來館。不愛官爵銀幣。招誘之。漳泉人  
 多降。○三十四年。清康熙二十九年。正月。清  
 水師提督萬

三十五年  
朱經卒于  
臺灣

蹙。縮文減  
字。

正色大會舟師。攻島進逼海壇。朱經命左武衛  
 林陞左鎮。朱天貴等禦之。望清軍畏其衆。棄海  
 壇而退。陞令數舟取水寮。邏諸戈舡。望風而潰。  
 海上諸鎮多降于清。正色遂陷兩島。經率諸將  
 復入臺灣。○三十五年。清康熙二十年。正月。延平郡王  
 世子朱經率于臺灣。凡經嗣位十九年。奉永曆正  
 朔。佩招討大將軍印。稱世子。無所受命也。長子  
 克蹙。螟蛉子也。原姓李。經嬖妾林養之。經莫知  
 也。及經西。克蹙爲監國。克蹙嚴毅頗倣。成功諸

標記增補元明史略卷四

鄭經

三十一



堧音爽

弟畏之。迨經敗東還，以國付克塽。何經卒，諸弟揚言曰：克塽非吾骨肉，一旦得志，吾屬無遺類。經母董氏命收監國印，幽殺克塽于別室。立次子克堧，克堧幼，髮初覆額，授劉國軒武平侯。馮錫範忠誠伯。八月，董氏卒。○三十七年，清康熙七年，清以萬正色為陸路提督，施琅為水師提督。大舉南侵，劉國軒督精兵二萬守澎湖，令林陞、丘輝等約眾二萬集于雞籠嶼，大戰清兵不利。琅集矢于目而退，以甲裳裹首，集諸將申軍令。

三十七年

噴筒筒口炸裂也

自總兵以下皆按以失律罪，諸將蒲伏祈請以立功自贖，兵氣復振。陷虎井嶼，乃誓師分為八隊，琅自紆一隊居中調度。國軒發火矢噴筒，燔焰怒張，清兵乘銳夾擊，自辰至午，兵氣益厲，國軒軍敗。林陞、丘輝等皆戰死，大小戰艦二百餘艘燒亡，餘眾多降于清。國軒知勢不敵，急乘走舸佚去。澎湖既陷，琅給降卒四千餘人，以饌米傷未及死者醫治，送還臺灣。大震寧靖王術桂，自以明家龍種，義不可辱，迺具冠服招臺人從。

饌與餉同



術桂  
死節

標記增補元明史略卷四

七十三

容別飲投縋以死。臺人爲流涕。八月。琅統舟軍至鹿耳門。國軒、馮錫範、何祐等奉克塽迎降。克塽嗣位。二年。時年十五。琅禮待。克塽及諸將帥歸之燕京。清主授克塽漢軍公。至康熙三十九年。清主念朱成功明室遺臣。非吾亂臣賊子。特賜成功及子經歸葬南安。如田橫故事。

右明自太祖洪武元年戊申。至帝由榔永曆十七年癸卯。凡二十世。二百九十六年。而亡。後鄭氏奉永曆正朔。二十年。通計三

百十六年。而明曆盡。

增補元明史略卷之四終

標記增補元明史略卷四

二二四



跋元明史略後

右元明史略 書者吾友後藤子。續十八史畧而所輯錄也。蓋採諸舒弘諤之書。而旁及眾家。以補其逸益其闕。參互考訂。始克成編。噫亦可謂勤矣。夫紀載之浩瀚。節而傳之者多。雖然。或辭鬱而不暢。或事踈而不明。徃徃有之。但以幾千百載之事。能括乎數卷之間。鎔鑄貫穿。成一家言者。獨曾氏史略而止耳。今此書亦倣其體裁。則其於元明之事。雖本末纖悉。固有不備。然其大綱足以可觀。而君之昏明。政之得失。臣之賢佞。誠可得而識焉。然則與曾氏史畧並駕於




元明史畧舊跋

海內使窮鄉晚進之士。不博披史籍。而通古今於且暮者。未必不藉是書也。豈亦為無補哉。刻新竣功。將施于世。於是乎後藤子。需題片言於卷末。余喜其書之成。遂跋而贈之云。

辛未之冬十二月日

東都 直學士藤原明遠

元明史畧補跋



春秋之書。崇華卑夷。法固嚴矣。

考其世蹟。周室式微。吳林楚足僭王。

於是孔子。因舊史。纂修之典。

刑萬世。益以感傷。不可止也。往

元明史畧補跋



高松儒臣芝山後藤氏據明徐弘

謬古今全史作元明史畧二卷事

甚簡明華夷盛衰歷止可徵

實有益無之書也哉藤欽若讀

其書恨易畢篇取諸史策增

補之釐為四卷以來賚學子者其

功可嘉夫後藤氏之作益有思

春秋之典刑也欽若之補亦應

非無所思也余今閱之則知孔

子稱管仲之仁之意矣抑亦



北村...  
三

夷狄有君。諸夏之亡噫。

享和辛酉仲秋日

栗原野翁出嚴垣彦明撰

收...  
  


梅...  
其

明治三庚午歲四月

京都御幸町姉小路上九町

書房

藤井孫兵衛





839  
4  
134



839  
4  
134








# Kodak Gray Scale



© Kodak, 2007 TM: Kodak

**A** 1 2 3 4 5 6 **M** 8 9 10 11 12 13 14 15 **B** 17 18 19



# Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

